



10383

峽川詩鈔卷十七

里人曹宗載輯在手輯

受業顧瀾葛民參校

貝瓊字廷琚崇德人元季舉人洪武初徵修元史除國子

助教遷中都國子助教著有清江集朱夔尊云廷琚從

曰立言不在巔絕刻峭而平衍為可觀不在荒唐險怪

而豐腴為可樂蓋學於揚而不阿所好者也其詩爽豁

類汪朝宗整麗似劉伯溫周秀勝林子羽清空近袁景

文風華亞高季迪朗淨過張來儀繁縟愈孫仲衍足以

領袖一時此非鄉曲之私天下之公言也○沈南疑云

清江博人林立以清江冠之無愧

及山隱居

病客從教懶出村兩山一月雨昏昏野花作雪都辭樹溪水

如雲欲到門無復元戎喧鼓吹試從田父牧雞豚來青處士

如相過猶是平原舊子孫

雨中書懷

漢苑秦宮跡已陳金沙一簇為誰新山河有恨空懷古風雨

無情只送春南國鷓鴣愁北客東家蝴蝶過西隣尊前莫唱

昇平曲白髮秋娘也自鬢

胡奎字虛白號斗南老人邑人官寧府教授著有斗南老

人集

靜志居詩話虛白泊舟鄱陽湖亭見石刻東坡黑雲推

雨未遮山絕句次韻和之書之於壁俄見一叟來誦其詩曰子非斗南老人耶乃為長揖回顧不知所之因以斗南老人自號高青邱贈胡校書詩所云起弄明月琵琶洲者是已其詩功力既深格調未免太熟誦之若古人集中所已有者

秋夕

月出萬井秋商聲在高樹風條絡緯鳴露葉飛螢度天河一杯水流向西南去坐念素心人佳期渺何處

吳江竹枝詞

第四橋邊楓葉秋青裙少婦木蘭舟月明打槳唱歌去驚起蘆花雙白鷗

蘇平字秉衡號雪溪邑人景泰間舉賢良方正不就著有

雪溪漁唱

陳廷器云二蘇旨趣高遠聲律和暢昭平治世之音○李時遠云平詩溫柔敦厚自是可

人

塞上曲

戰馬聞笳鼓橫行出塞門隴雲凝陣黑殺氣入邊昏決策平

陝川詩鈔卷十七

沙漠捐生報國恩猶慙漢公主萬里嫁烏孫

張圖字靜之海鹽人景泰甲戌進士官禮科給事中兩使

朝鮮轉都給事中出為汀洲太守有方洲集徐子元云方洲高雅

清俊得唐調○王元美云張靜之詩如小權急流一瞬而過無復雅觀○顧元言云方洲縱調騁情頗稱作者

句如林葉經霜盡河冰近午開殷璠所稱意新理愜斯得之矣

靜志居詩語黃門賦才敏捷不費沈思兩使朝鮮水館星郵留題殆遍使旋為大臣所忌致仕歸而築方洲草

堂于海澠家居三十年歌詩畫筆與雲東逸史齊稱

重游金粟寺有作

溪廻通小艇山峻露層臺林葉經霜盡河冰近午開閒雲僧出定舊石客重來擾擾浮生路經過定幾回

園梅盛開

暖透孤根雪乍消
冰花萬點綴寒條
尋幽欲寄山中客
忘卻西湖有斷橋

題畫

杳靄昏黃夜泊船
鷓鴣聲裏雨如煙
秋風不見平安信
夢斷湘江又十年

董澐字復宗邑人有從吾道人集

靜志居詩話蘿石間陽明講學瓢笠渡江從之時年六十有八年長於陽明云明年從其師越中守歲風雪夜賦詩所云六十九年今夜除者是也陽明和韻云況有故人千里至不知今夜除復爲序其事云道人今年已七十往來湖山之閒去住蕭然曾不知有室其子穀賢而孝謂道人老矣出輒長跪請留道人笑曰爾之愛我也以姑息吾方友天下善士以與古聖賢爲徒天地且逆旅奚必一畝之宮而後爲吾舍耶集有山居吟云青山遶湖芽結廬飢餐渴飲事無餘是非欲付樵與漁皆達者之言也

夜川詩鈔卷十七

三

月夜舟行

野鷗抱夢棲煙渚
山月隨舟過水村
猶有打魚人未睡
共聽更鼓到城門

朱朴字元素號西村海鹽人布衣有西村集

紫硤文獻錄西村老人居武原少而好詩年至八十餘未嘗一日廢聲律也兼長小幅山水意似出于元人而子久仲圭時或各擅性恬淡寡嗜欲惟與名宿詩僧相往還結泉石盟郡太守徐公白泉聞其名欲禮致之竟鑿坏遷其高尙如此

靈隱寺

合澗橋頭水飛來
洞口山鳥盤蒼壁
影僧掩翠微
關松露晝還滴
巖花秋更斑
一年嘗一到
一到一忘還

楚江秋曉

臥聞津吏數江程白鳥青莎岸岸明秋色遠連滙浦樹人家
多繞漢陽城殘燈野寺鐘初動瘦馬河橋客早行三國廢興
何處問荻花風起又潮生

陳鑑字用明號勾溪海鹽人

紫硤文獻錄先生少年任俠馳駿馬蹴鞠擊劍已而俱棄去閉戶讀書學詩人罕見其面者數年與朱西村朴齊名林下諸公爭邀爲詩社長以壽終有勾溪集若干卷

過沈紫硤涪樸園

高人名園裏長作閉門居林果買青李盤餐烹白魚寄興時
扶杖安心惟著書相看總頭白不使故情疏

寄紫硤

風竹雨窗山鳥啼山人卜居山下谿釣絲長向白雲理詩囊

陝川詩鈔卷十七

四

更爲青山攜野水落花天上下閒雲細草路東西有時適意
出門去一笑六峰春日低

飯蔬亭

野亭日午簇春煙一筓山中百事便滋味莫言殊鼎餽松風
更在曲肱邊

孫一元字太初號太白山人陝西人或曰安化王孫也正

嘉時往來吳越間著有太白山人漫稿李獻吉云山人有超軼才詩亦

多憤激悲壯之音○顧元言云山人五言得孟襄陽幽處七言得張曲江曠處○陳臥子云山人詭跡塵外清

放自居故有俊調而鮮深思

靜志居詩話太初詩瓣香所向乃屬涪翁故有勃興黃九窮妙處空自知之語

訪樵者

遠尋山中樵不識
山中路隔林伐木聲遙憶林深處不晤竟
空歸日墮西陵樹

漁父

野水平於席中流風力微
江花迎日淨沙鳥背帆飛黃帽爲
漁父青錢買釣磯只今鷗社裏投老願無違

宿歸雲寺

沙晴竹碧鷗出飛野花候予開
石扉暮雲捲雨日初落木葉
滿山風乍稀酒杯入夜意自好
篝燈向人寒相依窮幽覽勝
乃吾事坐愛名山忘獨歸

吳太冲字若谷號默寘邑人崇禎辛未進士改翰林院庶

吉士授簡討升南京國子監司業轉右春坊右中允致

陝川詩鈔 卷十七

五

仕後以禮部右侍郎徵不起著有息心窩詩集 陸嘉淑云先生

林下之詩
勝于館閣

紫陝文獻錄先生生負志節應童子科時便以植綱紀
正人心爲己任同學輒訕之亦自笑勿顧也才尤英敏
下筆輒言言既而棄去焚其草乃以選士舉其後立朝
每直講筵凡治本亂萌痛切敷陳屢上封事多建白軍
國大計時人目爲江都
長沙蓋學有根柢也

朱美之攜酒過

綠陰叢裏放玫瑰石几相延坐碧苔百里雙餅春酒釀一年
幾個故人來厨丁細切溪頭筍穉子貪爭屋角梅信道朱雲
能折鹿譚經且喜得相陪

錢敬忠字孝直號豈塵鄞縣人萬厯戊午舉人己未進士

授刑部主事遷江南寧國府知府被謗免官挈長子光

繡寓居於硤鼎革後絕食而死

紫硤文獻錄先生侍尊翁太守於楚獄幾三十年終以釋褐陳情得雪後又以垂暮之年殉節子硤忠孝兩盡炳耀史冊詩固不足為先生重也然讀其詩論其世亦庶幾聞風興慕停澆激薄耳

紫微山宋梅

偃蹇山中獨耐寒常從冷淡閱艱難光搖鐵骨三分白味蘊冰心一點酸夜月嚴凌霜片片春風酣戰雪漫漫他年梅在人何在喚起梅魂仔細看

郭濬字彥深崇禎庚午舉人順治壬辰進士官行人著虹

暎堂集

紫硤文獻錄先生弱冠以治易名能為古文詞崇禎庚午黃太史道周典浙試先生以易舉于鄉太史素以理學著先生首進所著衍極書譜傳略請質太史並序而名之學益進後起家行人未竟其用卒官更著有詩後

硤川詩鈔卷十七

六

二卷北游詩一卷茲所採乃萃社詩選中抄錄者

旅館聽松

鳥鳴嘉樹林綠陰徧庭戶行人澹忘歸自愜煙霞趣山館寂無喧松濤飛不住蕭疏雜雨來肅颯因風度高影空塵襟幽響發清悟落寞游子懷徘徊結情悵

太湖

曉發凌煙冥風微浪不喧橈聲驚宿鳥山影落清樽水闊疑無岸雲開或見村鷗夷曾去國留得姓名存

別意

把酒紅亭歌竹枝客情離思共依依春風亦有留人意吹落

游絲絆舞衣

周九斝字公鮪崇德人

夏日漫興

天南飛日轂海北起雲屯世事憂無定吾徒樂自存
朱華光照筆綠竹氣凌樽袒裸長林下何如在鹿門

追次呂仲音偕友登虎邱韻

吳城山色好遙賞亦多堪絕壑開神劍高峰湧佛龕
無緣脩白社有酒出黃柑料得歸來晚知心只二三

賣珠婦

繡纈紅欄巧樣妝明珠萬顆出細囊只今宮壺多崇儉
莫向人間說夜光

夏閨

峽川詩鈔卷十七

七

城樹初昏噪亂雅獨垂簾幙晚風斜自憐妾命同蕉葉
錯怪郎踪似柳花

張道濬字深之沁水人

折楊柳

陌頭楊柳煙絲絲春來葉葉迎風垂陌頭女兒送行客
手折長條頻歎息妾眼應憐柳葉青君心恐逐楊花白
楊花柳葉本同枝不意春風有別離紅顏憔悴征路腸
斷青青送君處明年此地柳作陰君歸不歸懸妾心

從軍行

朔風吹沙沙色黃寶刀在手意氣揚秋深兔肥草枯死
馬嘶大漠胡塵起鼓聲催軍渡遼水旌旗捲雲暗營壘
功成獻捷

還帝京直入宮門見天子

同談仲木王言遠山寺晚望

薄暮閒凝眺寒山遠色生一溪流水白幾處落霞明鳥語依
林近松風入座清蕭條人境外隱隱出鐘聲

別墅

幽居塵境外癖懶性偏宜新雨添疏溜山花接短籬徑荒人
不到林密鳥相知爽氣朝來早微吟可自怡

野望

日暮西山望川原去漸微雲橫低鳥度風急帶沙飛落葉干
林靜歸人一徑稀凄然看不極徒倚獨依依

談仲木言歸以詩留別次韻答之

破川詩鈔卷十七

八

此身尙在卽皇恩誰復張羅問翟門入世自矜多傲骨逢君
遂爾快吟魂山林寂寞書千卷風雨淒其酒一尊獨怪別離
緣底事片帆東去失孤村

漳水懷古

魏武銅臺漳水邊臺傾空見水如天誰憐霸業銷沈盡煙草
荒深不記年

劉復字公來莆田人

北平逢管席之

天遠盧龍塞人逢管幼安一尊風雨舊雙劍斗牛寒白雁愁
初聽黃花醉共看相期知不負行路未應難

題沈伯翰西疇草堂

野水綠分疇青山几案投茅茨初結構澗樸舊風流散帙心
能賞開尊句若酬新篁添幾個莫爲釣竿留

紫破沈山人
向有澗朴園

移寓西寺上方

未得閩中信空山更卜棲鐘聲無近遠雲影自高低敲枕軒
開竹捫蘿石借梯從來疏散意於此獨相稽

同友人訪余上人不遇

落葉亂人袂沈暉半在山偶隨流水去共指老僧開殘局空
留坐孤雲不掩關莫愁餘興盡好拉月同還

眷秋閣

一徑沿溪入南山對閣幽新醞供客醉古籍倩人收雨足桑
麻事天空稼穡秋不須多種菊宛是晉風流

破川詩鈔

卷十七

九

喜錢聖月郤子大讀書秋稜寓閣

幽林好鳥正嚶鳴況有芳蘭入室清以我長懷去國意多君
欲共閉關情山中風雨驚雙劍竹下圖書傲百城日暮酒尊
相慰藉藜光先傍客牕明

西山除夕

是處名山喜結鄰非關歲盡重逡巡乾坤有恨雙蓬鬢雨雪
無端萬里身折到梅花堪晤語分來佛火豈辭貧杯前獨笑
心期遠夢斷疏鐘又一春

李明嶽字青來嘉興人

楚楚

楚楚倦游心江潭寄越吟孤城荒草合細路石苔深葉下空

林雨風傳別院砧客愁秋轉切獨立聽蕭森

負杖

負杖入空翠乘秋一采薇竹聲涼散月露氣冷浮衣天遠孤鴻沒林空落木稀遙聞村犬吠燈火釣船歸

陸鈿字韋公秀水人

社集梅花草堂

風景媚初年晴空日皎皎苔痕破微綠虛簷下鳴鳥窮居悵
心魂詩句寄懷抱清讌集諸彥淵玄轉相討酒酣興自多抵
掌其傾倒誰復計去留坐待梅花曉

自勵

採玉宜入山採珠宜涉水貞淫豈無分好醜難爲此丈夫生

硤川詩鈔

卷十七

十

世間出處各有軌竹帛望旣虛韋布甘終始夙有煙霞姿可
輕落塵市託足一失所蠅玷何當已不然古巢父曷爲洗其
耳飢寒骨自香孤高屬貧士

月下登燕子磯

江晚登臨燕子磯
月明天際浩煙微
草深沙磧蟲吟亂
帆捲蘆洲客過稀
六代偏安悲逝水
千秋王氣壯南畿
風流不改吾曹在
嘯據胡牀漫拂衣

王翊字介人嘉興人著秋槐堂集

紫袂文獻錄秋槐老人家故業染日坐闌闌間挾書以
讀所爲詩文高自期許後家計日益落詩日益名游山
陰與陳章侯善王季重見其詩嗟賞焉陳臥子作序共
千餘首王辰舟次贛州被盜皆沒于水深自痛惜每終
夜擁被記憶後入粵復撫拾記聞作詩二百餘首買舟
而北其稿又爲鼠嗜不可綴補益不樂四月泊舟京口

無疾而卒友人朱彙尊選抄一帙共弟王庭梓之以傳茲更從萃社詩選補錄數首

游弁山

雲銷峇嶂開吳天松風響盡空山煙幽溪濛隴出雷雨石脈橫亘飛高泉時聞啼猿過絕壑復有疏鐘在寥廓巖花笑人來何遲細草知春雪光薄森峰往往潛出沒白日無光背峰落委蛇仰見萬古情身披冷秀空中行悠然虛谷應清嘯月明何處吹瑤笙

過友人故居

昔日經行處蕭然此夜過虛庭霜氣入空巷月明多古色延苔草寒陰老薜蘿故人無復在游客意如何

荒原

破川詩鈔卷十七

十一

荒原秋草積緩步獨行歌野水同天盡飛煙入樹多幾時憐老大滿眼又干戈北望烽塵合雲隨斷雁過

答范遵甫

濁酒空懷田舍歌百年身世半蹉跎人歸野徑殘陽盡家在寒塘落葉多好竹不嫌愁裏看名山竊喜夢中過餘生欲逐漁樵去白髮於今奈老何

漂母祠

一飯當年報所知王孫今日更何之平生自歎無知己千里來尋漂母祠

宮詞

君王憐妾舞霓裳翠袖香翻燕影長嬌小不知天子貴夜深

猶自喚三郎

蔣之翹字楚樾號石林秀水人著甲申前後集

紫陔文獻錄石林先生嘗輯樵李詩乘四十卷搜錄鄉黨先正詩無遺兼能備舉軼事使聽者忘倦晚年無子書籍散佚詩乘亦亡

對酒

我有一斗酒不足澆我愁我酒有醒時我愁何日休君不見
南山松柏根如石歷試冰霜若爲惜純鈎湛盧希世珍終古
沈淪土花蝕吁嗟嗟莫扣缶且長謳英雄生不逢坎壈七尺
昂藏亦可羞

伏雨淫淫水滿壕初漲未平難容舸閉門長醉同浩嘯天生
我已終蓬蒿黃金散盡成傲骨徒爾爲罵坐不問侯與貴喜

硤川詩鈔卷十七

十二

無恩報鄉里兒田先生高漸離千秋節概不可得日暮悠悠

我所思

利刃毋令樵者匿寶鏡莫使盲人得盲人得鏡不鑑面利刃
屬樵薪是力咄嗟造物乃如此使我胡能不太息縮項甕牖
常畏人坦履駸馳偏還側夜深拊髀傾酒杯淚眼泓泓歌七
哀

劍嘯臺秋興

地迴臨秋淨浮雲不敢生菊窺寒入圃蟲怯響依檠夢破中
原恨文深異代情行藏已如此城城暮條驚

放船同吳學博暨高周諸子

白舫青湖日復曛拋樽笑倚客途分帆檣得路故相引鷗鷺

驚人還自羣隔嶺暮鐘長帶雨連溪春樹不開雲高歌一曲
菰蒲綠豈是同來有鄂君

王庭字言遠號邁人嘉興人順治己丑進士廣州知府累

官山西布政使著秋聞三仕二酉漫餘諸草

紫峽文獻錄邁人先生秉性廉介所至以清惠稱屏藩
江右奏免浮糧數十萬功德在人六十一致仕八十七
考終悠游林下幾三十年
布衣苾履蕭然如寒素

雨餘

言從田家游居止得涪樸園林宿雨滋積草深書屋着屐看
新晴披襟羨幽獨人影澹斜陽禽聲冷修竹

納涼

坐見閒房靜無人自作涼荷香搖露淺蟬噪引風長近水羣

破川詩鈔 卷十七

十三

光動鄰秋一葉傷清歌聞永夜懷思獨茫茫

同介人夜集王仲鼎西湖小樓

煙薄秋明夜不分憑虛百尺即湖濱城頭月上三更樹水面
涼生一袖雲客坐暫消簾燭永閒心不繫寺鐘聞無端更話
他鄉別惆悵深杯惜未醺

題在我山園

名園不礙客躋攀乘興能來恣往還十畝垂陰新種樹千年
立石老爲山秋生積水雲衣起晝冷虛房鳥夢閒一自春游
人寂寞苔痕滿徑幾回斑

錢肅樂字希聲初字虞孫鄞縣人崇禎丁丑進士授太倉

州知州署崑山崇明縣事遷刑部員外郎丁艱歸乙酉

起義於鄆請魯王監國晉太僕寺少卿加右僉都御史
疏辭尋以戰功加右副都御史晉兵部右侍郎力辭不
受越敗入閩署兵部尙書晉大學士憂憤卒贈太保諡
忠介

紫硤文獻錄忠介公與塾菴先生爲同堂兄弟故嘗居
硤與萍社之集時崇禎丙子歲也丁丑卽釋褐歷任守
牧乙酉起兵于鄆時議以正餉子正兵而義兵取給富
室未幾正兵并取義餉公屢上疏建議請餉上不能詰
而張國俊方國安等深嫉之爲蜚語以中公旣不得
餉棄軍去越亦凶遂入閩祝髮以免物色監國至則翻
然從之然憂憤交
至竟以盡瘁而卒

丹井樓

嵯峨樓閣嵌危峯涼樹蒼然入幕重雲護上方窺宿鳥風廻
絕壑斷鳴鐘千秋白社應還在此日丹砂難再逢螯底獨饒

硤川詩鈔 卷十七

十四

泉萬斛可堪借我濯塵襟

翁坦人馮元度招游畫溪不赴次韻

滿目離愁未可刪只憑清影共追攀舟移澗曲添新畫月到
溪頭媚遠山岸迥沙明魚自樂雲深樹密鳥應閒一秋狂興
君偏勝載酒相期更往還

錢光繡字聖月號螯菴鄆縣人寧國太守敬忠子崇禎歲

貢生

紫硤文獻錄先生講學師石齋後隨其父寧國太守居
硤石齋贈以法廬銘法廬硤中齋名也日與名流唱和
結萍社集北都之變上書史公可法請急引兵勤王而
以飛騎追還漕艘史公避之時陳潛夫方按河南檄公
知無陽以親老辭不赴而經營周鑣之獄甚力後歸里
構莖蓄菴祓園歸里閣談禪奉佛自署寒灰道人然日
啖菴羹作牛心炙飲
醇酒本色如故也

夏日偕徐亦于查伊璜董若雨登東山

山痕清入望一杖晚來分濃綠暗生雨空青遠接雲薜蘿新
結厦麋鹿淡相羣君聽松濤外飄蕭何所聞

社集曹子玉

聯

民部園亭

不將蘿薜易簪纓滄海眞堪老客心青雀舫移南北岸赤欄
橋接短長亭柳眠已倩鶯催起花醉翻教酒勸醒嫋嫋東風
吹欲遍可曾吹綠上冬青

皋亭山中口號

頗憶皋亭萬樹桃好從深處結團瓢他年漁父重迷棹記取
溪南第一橋

題姜酒民詩草

硤川詩鈔

卷十七

十五

君昔不言詩詩已藏畫裏今忽撫新編句句有山水乃知詩
與畫道固相終始我更愛其人兩者猶小耳其人不善飲深
會酒中旨靜對不嫌寂高談不嫌侈且工方朔諧而復審商
徵讀盡古人書識盡天下士眼或作青白口不存臧否置之
兩晉間當亦嵇阮比其詩具在茲其人則如此

初秋和蔣楚穉韻

愁思因秋感臨風獨倚欄捲簾山在几把釣月盈竿梧影分
臆瘦荷香落渚殘孤衾清夢破夜半漸知寒

訪藍田叔城曲茅堂

相見誰云晚才名屬素聞思懸松嶺月夢落草堂雲風雨驚
詩驟湖山入畫分惟應王子晉邈矣可爲羣

江海

江海空嗟行路難
雙峰偶借一枝安
交情只有青山好
世態寧堪白眼看
免俗向人懸犢鼻
療飢惟我買豬肝
百年貧宦家風在
長鈇羞將指上彈

查繼佐字伊璜號與齋又號東山鈞史邑人崇禎癸酉舉

人官兵部職方司郎中著有敬修堂詩文集

紫陝文獻錄東山鈞史生有異才詩文詞曲皆作未經人道語明亡復避地硤川築茅菴于東山萬石窩與潘梅巖陸宰齋詩酒唱酬晚更闢敬修堂于杭之鐵冶嶺講學其中從游甚眾學者稱為敬修先生書畫皆工人爭珍寶平生有知人鑒嘗識海陽吳六奇于行乞中及罹史禍卒得其力

夜泊七里灘

小棹凝寒落日邊
碧空削出水雲偏
煙將帆影疑前浦
雨共灘聲度夜眠
客去無星臨此夕
我來何處認當年
只應鄭重

硤川詩鈔卷十七

高深意未是桐江莫與傳

初見仇聲之

十年作相思如與共
衣履既見省顏色
有若昔所揣少年慕
文辭中歲益自喜
我賞人則棄理勢
固然爾長江渺孤
蓬路隔人尚邇性
不任家居努力愛
年齒

涉水

入門慕遠游出門念故居
言語百里殊况行千里
餘僮僕與好顏山水足清
虛雖無雜賓朋同舟如
比閭把手詢鄉情一
聞為歛歔安得周八埏
歸訂風俗書

陸圻字麗京一字景宣錢塘貢生有從同集

紫硤文獻錄西陵十子先生居首性豪邁詩文采組六朝醫方酒令觸口悉成麗語柄飯冷菜捫蝨而談相對者忘其穢也亂後賣藥長安市上晚因史禍牽連既得釋削髮爲僧或云入武當山爲道士不知所終

舟次聞歌者

落日橫江泛白蘋同鄉停問一相親從教李尉翻新曲卻喜何戴是舊人玉管漫吹霜月曉紅牙曾按綺筵新坐中不少傷心客莫唱伊涼水調頻

送朱生之秣陵

華館張燈酒共斟清霜朔雪晝陰陰上方請劍高名著廣柳容人俠氣深醉後難忘公瑾曲愁來獨抱蔡邕琴秦淮渡口花爭發莫負當年桃葉吟

閨怨

硤川詩鈔卷十七

七

何處高樓笛淒清菩薩蠻分明秋夜裏夢到玉門關

張次仲字元帖邑人天啟辛酉舉人有待軒集

紫硤文獻錄待軒先生私淑陽明窮經好道久困公車絕不謁選甲申之變自秣陵引歸屏跡郊廛順治中舉賢良方正以疾辭兩舉鄉飲賓亦不赴著困學紀詩紀春秋方紀傳于世平生知交甚嚴惟陸眞如鈺朱康流朝瑛談孺木遷陳乾初確數人而已年八十八卒邑里私諡曰文介

寄陸眞如

竹覆藏書屋牆圍種藥田半軒頻促膝數畝共隨肩愛我忘疏放逢人略後先爲憐知契少時泛去來船聯鑣垂萬里裹足已三年藏拙知無地談元別有天可能窮象罔想已探龍眠白日行將暮時哉早著鞭

訪談觀若

端居寂寞道何尊一艇衝寒晚叩門野曠天高數株樹水枯
橋斷獨家村窗閒片紙風蕭瑟枕上遺書日討論攜手遲遲
向阡陌不知何處採芳蓀

屏跡蘇村漫題屋壁

二十年來舊卜居重來竹樹已蕭疏兒童牽挽分筐果父老
過逢摘野蔬媿我衣冠猶昔昔憐伊耕鑿且渠渠從茲比屋
同生事笑倚春風共荷鋤

鹽官城北郭溪東草屋蕭蕭寒雨中瓜架豆棚新築圃長竿
短笠老漁翁提攜小豎敲茶臼勞苦山僧理藥籠吾老自應
耽伏枕人前那敢說冥鴻

青雲遼邈壯心違白首躊躇世事非夜半側身瞻北極朝來

硤川詩鈔卷十七

六

端拱憶南畿明知蠖伏淪黃土苦望龍翔迨紫微血淚暗垂
羞客問回看隻影掩柴扉

學海沈淪已判年蠹魚猶自戀遺筌三更青火勞寒屋十乘
丹鉛綴斷編疑義苦搜窺作者奇文學步失前賢頽然一榻
橫秋徑夢繞名山五岳巔

朱朝瑛字美之號康流邑人崇禎庚辰進士官旌德令擢

禮部儀制司主事著有正誼堂集

紫破文獻錄先生性端謹立心制行一歸長者庚午舉
于鄉出黃石齋道周之門庚辰成進士出吳若谷太沖
之門因得質所疑而學益進石齋出所著易象正諸書
盡傳之兼天文勾股之法遂慨然以理學經術爲己任
除旌德令務與民休息以憂去服闋需次當路欲令出
門下當移部曹笑曰吾自爲諸生卽以矣結師生爲恥
送拂補歸與兩弟朝琮朝珩
坐斗室中疏注十三經而已

同姚有僕何羲兆孟長民游栖真洞

白日燃犀火青泥滴乳泉暗須幾兩屐寒想五銖綿仙鼠
翩掠瓜牛曲曲旋不知危石底忽露一條天

破川詩鈔 卷十七

九



破川詩鈔卷十七 焚水益其別演其歸

里人曹宗載桐石手輯

受業顧瀾葛民參校

朱一是字近修號欠菴邑人後移家梅里崇禎壬午舉人

著有為可堂初二集

陸嘉淑云近修文名早擅逮避地江東屈志百里尤以才略見長歸

欲披緇以老而從游弟子力強之說經因主文社太邱

之交道日廣州來之縞紵彌多古今詩不事矜鍊而詞

采斐然五言如十暑杜陵葛一寒范叔秋懸猶子夢

日落異鄉山野火燒山近寒星照水明山容初過雨

氣忽生秋淚因傷時盡愁須醉日多僧厨三度臘客

一歸鄉翦燭開深徑因溪架小橋青山寒照日黃葉晚

從風遠水通溝獨濃陰接樹平妻子他鄉淚文章浩劫

灰七言如牧馬官同張萬歲進賢賞並鄂千秋關河秋

色三千里風雨冬青十二陵代北重關飛白鴈京西古

鎮出黃花笛裏羌歌憐折柳馬頭關樹但生榆長江煙

失韓擒虎習井春埋張麗華三楚烽塵新幕府六朝煙

雨舊樓臺瀑布秋風搖練影石梁新雨糝藤花皆音響

硤川詩鈔卷十八

清澗猶是歷

下四溟敬手

紫陝文獻錄曰天才清拔敏悟過人無常師然亦不肯

竟學嘗自言曰人之學多得于書余獨得于友他人用

誦讀余用談說性有所近不可強也曾受知于吳太史

梅村之門婁東張采張溥二先生雅器之名重一時鼎

革後浪跡江湖間或勸之仕介然不屑以述作自娛

春日書感

一歲無兼春終日不雨旦纔挹朱華粉忽眇綠陰徧蒼羽豐

林鶯乳音改梁燕對景感逝辰撫躬愴頽算投閒物累多息

老精靈散伏枕違寢興閉門卻理亂時衰過壯心境轉尋初

願年少莫追思白頭年少變

受業顧瀾葛民參校

秋夜

憂心頽不寐斷續蛩語咽攬衣步中庭露氣清殘葉疏簾獨

多情玲瓏受秋月

鄴城

鄴城豪華甲五都三臺複道橫雲裏可憐魏武霸圖雄只今
但見漳河水漳河東流朝市變蔓草芸黃滿荒殿花鈿蝕土
濕螢飛古瓦秋霖洗銅硯悵望疑陵透迤續啼鳥聲中哀怨
促宮仗煙消總帳寒馬首薜蘿散空綠

贈吳玲歸新安

春風一夜桃花雨鯉魚吹波躍南浦客子欲發不忍發離筵
綠酒垂楊舞黃山白鶴路難尋君歸應臥溪雲深迷津若有
漁人過爲寄山中梁甫吟

春睡

硤川詩鈔 卷十八

啼禽碎花影日氣淡幽居童懶茶煙薄風回竹籟徐小年消
睡穩長夢記心疏坐起還無事東園學課鋤

同陸圻行

無窮鄉國淚并入海門潮岸闌片帆疾孤心千里遙風高飛
雁子月靜臥龍妖聊遂乘桴志行吟續楚騷

自杜畧泛溪至奉化縣

水落雨清暑山高風滿溪觸舟魚欲立出樹峽重迷屢過石
顏動九廻江面低平明到甬上千嶂入看齊
人豈高行遜心知非勝游山容初過雨水氣忽生秋樹動一
帆急舟輕千嶂浮曾無擊楫興空復歎中流

石門庵卽事

已到山窮處無從見石門平林禪室隱小澗澧泉奔草偃通
僧步松寒息鳥言微風吹不靜一葉下高原
峰高疑日短樹密得秋先望歲勞僧種忘機定客禪堂虛諸
佛靜山冷一鐘傳曳杖行吟處衣沾幾處煙

觀周五重所設水柵關廂有歎兼悼其弟璋光

戰合三千騎關封十八盤亞夫眞將種公瑾豈儒冠仇國憑
多口凶家痛二難紫泉流不盡落日幾人歎

郊飲

萬里兵猶動三年客竟歸偶尋芳草路因見落花飛野燕隨
風側溪魚得雨肥悠然堪獨醉惜與壯心違

登武宣門雜興

時癸未
秋日

陝川詩鈔 卷十八

二

高粱煙水上幽燕津海飛流晝樹懸花裏薰風吹漢苑山前
明月照秦邊五陵遊客閒乘馬三協材官健控絃最是北門
勞鎖鑰不教烽火逼甘泉

風流河朔近如何督亢高陂險莫過南望舳艫淮甸轉西來
雨雪太行多九天宮闕交龍鳳四塞旌旗起鶴鵝忼慨不逢
燕市俠蕭蕭易水獨悲歌

天際燕臺越客登帝鄉極目彩雲蒸關河秋色二千里風雨
冬青十二陵秦塞長城封寇斷越裳滄海頌波澄中原事業
需吾輩未許蓴鱸慕季鷹

碧雲黃霧老秋容城對西山絕頂峰百戰霸圖開鉅鹿千秋

王氣接盧龍關門更發遼東戍筐筐虛勞海外供

時議改漕
運爲海運

封事洛陽誰痛哭，早朝頻聽鳳樓鐘。

同曹元方沈宗坦宗堦夜飲明日將別

故人尊酒別他鄉，坐對寒燈夜影長。家遠夢歸千里月，馬遲
醉踏九門霜。張儀舌在羞歸魏，賈誼書投屈傅梁。明日都亭
一回首，五湖南去正蒼茫。

燕子磯晚眺

危峰倒影壓波頽，極目蒼茫萬里哀。三楚烽塵新甲帳，六朝
煙雨舊樓臺。水平蘆荻江容闊，雲洗芙蓉山瘴開。日暮秦淮
歌舞歇，高城畫角一聲來。

客中聞杜鵑

蜀魄啼殘淚已稀，哀音清切感心微。深更獨立夢何處，每夜
暗傷人不歸。芳草如愁將滿地，落花非淚亦沾衣。明朝空見
枝頭血，依舊一身同鳥飛。

春雨寓中

幾日東風客未知，蕭蕭僧舍爨煙遲。春寒空對一庭雨，人遠
獨舍千里思。細柳多情低結帶，好花無語暗交枝。翻反蜂蝶
閒來往，滿樹繁香正此時。

初春懷王庭北上

春風馬首散蘼蕪，驛路漁陽凍跡蘇。玉勒未收新涕淚，銅駝
重弔舊京都。吳門遁跡辭仙尉，燕市悲歌共酒徒。何處登高
一回眺，知君惆悵少微孤。

沈廷勵北歸喜賦兼懷乃兄閔劭

昭臺曾是有金黃
客子遨遊歲月長
彈鋏醉扶燕市月
歸鞍寒帶薊門霜
行藏媿我唯三徑
兄弟如君有二方
趙北荆南聲價遠
媚親更喜進霞觴

子夜歌

百尺鴛鴦錦
裁爲合歡被
縱使顏色移
鴛鴦無分翅
願得縮地法
千里如一鏡
中容兩人面
笑語時時並
裁成尺素書
頻寄相思字
錦字千萬行
還有一行淚
歡如楊柳花
飛去不留連
感化爲萍草
還流到妾前

春去

春去東風在何須
更惜春還賴東風
力吹轉遠游人

憶別

硤川詩鈔 卷十八

五

執手河橋魂欲銷
十年消息夢中遙
東風不解離人意
依舊逢春發柳條

夜經山陰

山山逐水不離煙
柔櫓聲中客未眠
殘夜月明楓樹暗
秋光盡在子猷船

哭祝淵

飄零兄弟更誰全
對汝懸幃獨黯然
尺土祇今皆戰鬪
幸無兵革及黃泉

姚佳字炳菴

紫陔文獻錄南都破後
王師下浙俞公元良起兵海
盜先生嘗爲參軍兵敗俞公
死義先生棄家爲僧邑乘
不載野紀無傳迄今幾莫能
舉其名者可慨已今東海
詩選中秋水篇一集乃先生之
詩半屬悲涼感憤之詞

函錄存數首蹟其
詩可以知其人矣

書懷

世人重裘馬我愛葛衣輕懷抱各有適俗尙非所營空袖把
明月陶陶寫孤清古人不得見誰識雲中情蒼茫對落葉浩
蕩聞秋聲念此當寤歌憂樂相與并寄語泣露者毋爲鳴不
平

遣興

涼風慨然至中夜起徘徊好月正當戶幽光遍亭臺上湖陶
五柳乞食歸蒿萊供奉謫仙子跌宕付酒杯二公本佳士並
爲蓋代才卓犖傲千古佯狂眞可哀伊余何爲者茈茈坐莓
苔窗生萬里濤此心亦崔嵬所期凌賈董奚思酬宗雷牀頭

陝川詩鈔 卷十八

六

芙蓉鏘擬向知已開相思不能寐登樓幾千回

夜坐

中夜瞻星漢浮雲意不馳颯然冷風至壯士助之悲候蟲吟
幽砌清露滴松枝暝色旣靜好秋聲何淒其牀頭明月光慘
淡照鬢眉竹閣調茗粥磬罷焚香時老鶴萬里心刷羽曾差
池會當凌秋旻願言報相知

閒坐

月影不在地水光欲上天皇皇旅食者何以終窮年飢食商
山芝渴飲隱士泉旣絕猛虎號亦無烏雀翔藜策不輕移蓬
門謝眾緣坦腹高松下還我性所便著書式正學讀史景先
賢寧爲當世忌不受俗士憐此心炯如鑒可以答穹天寤歌

秋聲裏復得返自然

贈陳乾初

陳子高世士學道信寡儔牢落二十年義不苟所求鬢眉照
清旭意氣凌滄洲避羶甘自晦松竹聊與謀詩歌頗閒曠經
史獨冥搜閉門謝俗尙庭訓約素脩不知王氏臘每抱禹稷
憂採藿最高峰飲泉第一流時著竹皮冠或浮蓮葉舟卓哉
君子心此誼誠千秋余亦違時者夙昔慕貞幽況丁喪亂後
乾坤莽夷猶並存薇蕨思豈不念同禠何當杖策還登嘯百
尺樓

悲落花

高鳥幽雲度南陌樵歌一曲聲蕭索春林泉響煙雨收柔蕩

硤川詩鈔 卷十八

七

東西吹孤客晝掩荆門興自幽空庭歷亂花茵積餘香散作
彩霞飛揉碎無情渾欲擲憑闌細數春恨長落日清陰成往
昔一朝濃豔謝故枝片片含芳嗟落魄野雀銜來不濟飢老
僧頻掃頗閒適山中誰是惜花人惜花莫使花狼藉

遣悶

潦倒一潛天雲中聽鶴呼偶然遭亂世未敢泣窮途秋爽宜
留月山空獨據梧自能閑倚杖不受野人扶

遣懷

乘興一登樓心閒事事幽山深先得夜樹老獨知秋牢落憐
孤鶴悲涼傲五侯每思先代厯林壑自中州

偶感

空山成獨賞老鶴自爲羣遠浦荒村雨高松古洞雲蟲聲當
夜合草色至秋分樵牧難爲侶須尋舊圃耘

慨然身世事蓬戶合長局對月頭先白看松眼倍青畏人知
隱約避亂惜飄零謀食關吾道秋林空獨醒

贈西叟上人

掃榻焚香絕點塵滿園修竹碧璘珣清溪繞舍關經濟古塔
當門孰主賓海畔相知惟好月林間今始識閒人布簾高挂
渾忘事支遁年來顯後身

灌園偶成

山南村北一閑僧手蒔秋蔬力不勝豐草門深同仲蔚瘦鋤
圃老學於陵種多薇蕨因時令居狎樵漁作友朋此際栽培

陝川詩鈔卷十八

八

關物候辛勤當不讓盧能

歲暮

風景蕭然不可論淨壇高結傍雲根詩囊懶挂埋黃葉藥臼
徐春倩白猿柏子香焚真臭味梅花坐對自溫存地爐榾柮
頻添煖一榻千峰獨掩門

與祝鯤濤有廿載之別壬寅春孟晤于翠薄復同登西

爽閣遠眺

潦倒空林物外情故人相對不知名別來風雨分南北亂後
山川隔死生戎馬廿年心事冷滄洲萬里夢魂清同登巖館
憑幽坐愴望蒼梧帝子城

壬寅元日

空林惻惻獨行歌自笑佯狂奈老何
登閣有時呼日月閉門無計繪山河
中原人物流離盡當代衣冠感慨多
欲覓桃源誰處是年華增長倍蹉跎

范驥字文白號默菴明季歲貢生邑人著有愛日堂詩文集

集

紫破文獻錄默菴先生才敏絕倫性孝友爲文尙經術放黜百家書法倣鍾王國朝舉賢良方正科不就環堵蕭然以經學自娛倣而史禍起逮及之己而得釋志氣率如平常絃誦不輟卒後同學私謚爲清獻先生

潘氏閑居十二詠之二

喜隨潘岳賦閑居坐有花茵食有魚底事消他閒日月百壺清酒一牀書

一潭秋水一房山竟日無人相對閑過雨斜陽花氣動篷牕

硤川詩鈔

卷十八

九

夜半不曾開

喜雨

高臥北窗中瓶中粟已空米增一倍價人到十分窮幾尺稻花雨半牀蕉葉風莫將同舍火因熟召梁鴻

山樓對酒

元晏先生不解愁偶來湖上一尋幽酒杯到手傾巴峽摘句驚人破蔡州
四望秋聲酣晚日半空雲影抱晴樓倚欄遙憶歸何處家在青山最上頭

陳確原名道永字乾初號潛夫廩膳生邑人

竹塢解頤錄乾初廉勁疾惡邑令不飭簞簋一邑莫違乾初率先白之臺憲屏其羽翼友人某狹邪爲棍竊綬乾初排眾救出而後面折友人之非少年任性不能賊游鼓山之門而歸爲之一變安靜和好能以其學教

其子弟善篆刻學簫彈棋諸伎母喪手書孝經百卷以贈親友書法酷似孟頫而得晉唐遺意晚年患拘攣之疾不頁於行桃李花時載酒乘籃輿往來阡陌與田父野老占課晴雨遇竹木翦鬱花草鮮妍輒飲數杯頽然醉而

靜志居詩話先生難經

鏗詩不求工然亦流暢

紫陔文獻錄先生早歲見知于鄉賢許同生先生目爲

任道之器後與祝孝廉淵游戢山門奉慎獨之教踐履

卓然論學尤多心得酉後靜修山中幾二

十年足不及中庭君子謂不異袁閔土室云

偕吳仲木再游西溪

秦望歸來興未賒幅巾筇杖入山窪迷離不記前朝路寂寞

還開古寺花春水橋邊雲萬樹晚風亭外月千家可憐潦倒

吳公子頻道西溪勝若耶

許箕字巢友號西巖邑人著有捫鄴軒詩草

硤川詩鈔卷十八

十

紫陔文獻錄先生品行孤高不求聞達行楷書瘦硬通

神曹秋岳侍郎嘗稱其詩格精邁書法秀拔本邑人移

居梅里復遷硤所居一

廛背市面山釣游自樂

蠖樓書事

載酒愁無客論詩喜共僧熱腸消有分白髮滅安能茗煮初

冬雨碁敲半夜燈還鄉慳好夢擁被到晨興

題客子秋雪刺舩圖

楓冷波澄湖影寬荻花風起雪漫漫須從石室窺全局豈就

蟠溪老一竿逐鹿何人知楚戶釣鰲無事到嚴灘大篇早發

昌黎奧東野留題不敢寒

胡山字天岫初名日新江南宜興人棄諸生易今名有寓

廬東武葑汀諸集陸嘉淑云天岫自漢魏三唐以下無所不摹似自五古樂府以至律絕無

所不工妙意向日益遠詩學日益進與予交幾二十年
數四見其詩數四變亦數四益上。朱人遠云胡子詩
正如天半霞明秋空鶴唳在三唐堪與李青蓮孟襄陽
相伯仲其古體亦出入靈運明遠間在今日眞爲希聲
矣

紫硤文獻錄海岳先生鼎革後棄家棄諸生懸壺武原
市者數年後徙硤卜居高陽橋畔賣藥供母以自適暇
則行吟兩山間與朋儕偕和雖盡無斗儲術無懸衣晏
如也詩本性靈而佐以學力清新俊逸絕去塵垢卽亂
頭粗服自覺
天然媚媚

見月

月出夜未半蕭條羣籟寂冷然蓬戶中清光滿蘿壁素琴靜
無聲蟲響草露滴

山夜獨歸

月出上方白溪外磬聲冷山夜人跡絕獨坐發深省遙見開

硤川詩鈔 卷十八

十一

竹扉一僧汲古井僧去我亦歸煙霧落高嶺

山夜

溪雲入窗戶礪月浮裳衣竹露滴末已磬聲落山扉松鼠向
我坐謾謾語流輝倚楹望前山鶴叫梅花飛

題畫

漁家背山郭門掩青楓樹夜半潮水生風吹葉如兩月白宿
鳥飛孤舟渡江去

月夜朱子招集霞起堂有懷周林於李分虎北游

蓬蓬海風萬里來捲出飛鏡高層臺纖毫明滅瞻兔闕歷亂
樹樹芙蓉開當前共道花枝好與君相對舒懷抱有酒如澗
差足豪流連那惜金樽倒人生百歲憂半之美人天末遙相

思今宵對酒復對月寂寞空山腸斷時

出門始覺晨光好遙見高樓日杲杲
林皋木葉自紛飛斷垣蟋蟀吟衰草
天際浮雲澹欲無寒潭竹影空如埽
惆悵良時不再來滄溟罷釣珊瑚老
側身北望涕潺湲思公子兮未敢言

秋感

一夜北風起邊城牧馬驕砧聲催落月
星影動殘宵客路三秋樹雲帆千里潮
如何此時望鄉國更迢遙月湧大江白
涼風滿敝裘磬聲山寺遠蟲響驛亭秋
何處長歌起懸知有客愁寒衣欲前渡
極目阻寒流

硤川詩鈔

卷十八

十三

秋水百川滿憑高無限情長帆隱江樹
細雨濕荒城對酒人千里思鄉雁一聲
遙憐何水部辛苦混浮名拂袖出吳關
涼風滿客顏大河浮落日流水抱寒山
馬首殘雲起天邊倦鳥還徘徊無限意
高論向誰攀

春日卽事

春風吹蕙草春樹叫黃鸝徒倚茅檐外
桃花飛滿溪佳人可見好句共誰題
一笑渾閒事行吟且杖藜

雨後從南疇步月歸與查聲山

夕陽山雨過短袖薄涼生坦步出深巷
悠然成獨行月色沙際淡磬聲池上清
知君應未臥石几素琴橫

聞雁

無寐泪將盡起看星滿天征鴻叫何處遙聽轉淒然似帶邊
聲苦仍將客恨牽翻因悲物候未易着人眠

八月一日晨起懷彭丈羿仁

山閣望初曉披襟坐獨幽琴書疏亦整河漢澹仍流旅鴈飛
無定寒蛸吟未休永懷垂釣者何以慰離愁

愁望

昨日悔今日他鄉憶故鄉不知身是客只覺鬢逾蒼野鳥翻
風白江雲帶雨黃夢中歸路近何事望偏長

舟泛

漂泊渾無定扁舟蕩夕煙江楓明曲岸沙鳥狎晴川垂老吾
何有謀身總未然狂歌逢釣叟高話石橋邊

硤川詩鈔

卷十八

十三

蚤己

蚤己嗟吾老眞傷易白頭鄉心隨鴈落旅夢逐雲流懶著登
山屐偏宜上水樓欲將新舊恨卻寄與鳧鷗

過朱求俟

愛爾讀書屋臨流雙板扉松聲落琴几竹翠撲人衣客到酒
初熟雲深鶴乍歸春來復徂暑會別轉依依

寄韜荒

風雨不知曙柴門春草深披衣擁孤榻長嘯對遙岑大雅倘
復作幽人應可尋蒼茫溯流水彷彿有鳴琴

寓廬

茅屋老於我頽然一境中兼葭隱虛壁明月映孤桐枕上山

橫黛庭前葉墜紅行吟頻倚杖極目送飛鴻

懷宋人遠

神仙縹緲五銖衣跨鶴吹笙下紫微一夜碧桃天際落三山
明月鏡中飛人間綠髮生瑤草海上紅雲敞玉扉見說金華
峯畔石羣羊去後竟忘歸

寄周林於

梧桐開綠葉風起散清陰草屋有之子石牀橫素琴雲歸山
易暝鶴去夢難尋罷詠聞長嘯遐哉懷至音

夏日襍興

石壁風迴草木香北窗高枕夢羲皇兒童喚起嘗新酒移榻
松陰納晚涼

硤川詩鈔 卷十八

十四

長夏端居日似年閉門聊復學參禪故人有約渾忘卻溪上
松風待放船

草閣虛無近水寒白雲縹緲傍漁竿先生大叫呼奇絕月滿
潮頭雪滿灘

秋日漫興

朝來疏雨過霏微草閣涼生薜荔衣海上風帆飛正急吳中
秋樹望初稀蘆花水淺通漁棹松葉雲深暗寺扉齊瑟亦知
非世好只因沈醉臥清輝

青山歷歷水重重白鷺低飛曲浦通棹月船歸江市近題詩
人去驛樓空雞聲此夜聽初下馬首於今我欲東天上放愁

良不易醉吟還許暫時同

掩映雙扉柏葉紅
草堂開傍畫溪東
圖書數卷白日靜
樽酒良宵清
話同潮落無人閒
水碓月明疏磬出
花宮登臨何處非
吾土
姓氏還堪託寓公

一片孤帆向晚開
萬山如雪湧蓬萊
風迴激楚歌偏壯
路入蒼苾首重回
日落轅門歸獵馬
秋高幕府重邊才
頻年戰伐音書少
故國空傳驛使來

秋柳

竭來江畔泛輕航
堤樹蕭蕭起暮涼
明月空聞憶飛絮
西風殘葉下斜陽
關河羌笛愁難度
樽酒離亭思易傷
寄語征人漫惆悵
春來依舊覆宮牆

硤川詩鈔

卷十八

十五

珠簾罷捲曉煙空
蕭颯長隄立晚風
城畔棲烏飛不定
樓前駐馬思無窮
河梁欲折難爲別
客舍清歌未忍終
見說隋家舊臺榭
月邊高樹正龍蔥

永豐誰道不如前
宮草宮花亦可憐
霜落河橋鐘乍曉
人歸庭樹月仍懸
陶公高節應常在
張緒風流憶惘然
未敢傷心怨遲暮
客途飄泊自年年

清溪夾道樹蕭蕭
無復千條與萬條
楚館昔曾低舞袖
驛亭猶復傍歸橈
漫憐曉角悲殘月
好待春風拂畫橋
我自不堪聞度曲
若爲弄笛更吹簫

秋日次唐人韻追憶范文白先生

北風蕭颯泛征橈
游子窻知煙水遙
見說青山仍似舊
空聞白鶴易爲招
孤城畫角霜逾白
高樹深秋葉亂飄
極目滄波

人不見月明千里獨歸潮

野望懷故園

杖藜曾不異秋原獨倚危樓見遠村野浦歸帆低日影奔流
激石出雲根爲憐黃葉辭高樹絕愛青山遶華門消息故園
戎馬後只今耕鑿幾家存

春望感懷奉酬彭羨門見寄

三月鶯花愴鬢絲芳菲滿眼付銜泥烽煙人駐朱顏少關塞
春回白草遲阮藉清狂無限淚杜陵流寓幾行詩東風那肯
吹愁盡又到河橋柳絮時

登臨何處可消憂一片風花人倚樓煙月江村憐子夜繁華
京國憶延秋白頭未得親爲壽紅粉空懷垢拜侯裘馬少年

硤川詩鈔

卷十七

十六

君所見青林綺石自丹邱

澤畔行吟畏獨清溪山頓覺旅愁生臨風寫恨懷袁虎索酒
提壺乞試鶯家似游絲渾不定身同野卉莫知名青雲故友
聊相問潦倒還堪一座驚

楊柳河橋麗景妍綵虹明鏡兩回圓傷心夜月離家夢寒食
梨花故國鵲油壁流蘇春婉戀金丸寶馬暮聯翩當年往事
成惆悵萬點飛花入禁煙

雨望

野渡人歸少臨流望不窮浮雲低草閣高樹怒秋風網落溪
聲外帆飛雨色中溯洄招未得寂寞更誰同

宋鹿巖先生席上逢嚴允光眎恭秋巖

愛爾城西舊草堂，依然山色遶垣墻。
清樽正滿客初到，老友相逢話自長。
歸去敝廬仍北闕，轉令游子戀他鄉。
春風昨夜吹應徧，賞事從知樂未央。

寄蘭溪舍妹

舍弟心於去秋

昨夜慈親夢，眞傷幼弟心。
鶴令飛各異，風木恨同深。
白首期相見，黃泉未易尋。
尺書遙寄汝，能不淚霑襟。

憶汝歸家日，相離廿五年。
弟兄成苑死，別妻女幸生。
全老病唯思醉空囊，莫問錢故廬。
知在否，吟望益凄然。

痛爾夫君死，凄凄對兩兒。
朱顏知盡改，青鬢總成絲。
飄泊憐今日，漁樵憶舊時。
月明今夜好，歸夢未應遲。

春郊卽事

硤川詩鈔

卷十八

七

縹緲嵐光水色中，芳郊徙倚暮煙空。
雲來半帶溪前雨，花落低飛小徑風。
爲客馬卿游已倦，依劉王粲賦難工。
樓前無限傷心樹，更有何人繫玉驄。

雨夜寄潘梅巖

老去潘夫子，爲園失漢陰。
著書時閉戶，抱膝起高吟。
理亂看雙鬢，蒼涼見苦心。
無端一夜雨，愁望恨偏深。

初夏張墨亭招同華義逸錢路友周瀟岳讌集迦園之拂雲閣見錫鬯武魯青山晉賢題咏慨焉及之

疏竹清流遶曲廊，憑虛山閣俯蒼茫。
廵簷小鳥窺書靜，捲幔輕雲拂席涼。
瀛海月高潮正滿，玉缸花撲酒逾香。
故人西壁留題在，劇醉難賡白雪章。

與偉度

寒原寂歷敞青楓，永日清吟孰與同。
鴈去橫塘秋水闊，帆移極浦曉煙空。
相如爲客游應倦，王粲登樓賦自工。
聞道故人高興在，定留明月照絲桐。

北樓晚眺懷舍妹

海上黃雲萬里平，紛紛笳吹隱高城。
帆低落日山無數，人倚層樓雁一聲。
遙憶園林兵火後，眞傷離亂死生輕。
應憐白髮添憔悴，涕泪天涯盡客程。

徐于字魯化邑貢生

紫硤文獻錄東海詩選載先生年二十餘始發憤讀書，聲名藉甚，嘗緣事幾不可解，陳太史之遜言于當事始得釋，後登選拔卒于京師，談先生孺木嘗稱其詩爲有仙才，異質惜不得全稿讀之。

硤川詩鈔卷十八

六

湖游口占

信宿湖山非舊枝，相看何事不差池。
衰當八代羞章句，醉到三生漫賦詩。
白社未知人孰是，元亭猶問夜何其。
尊前明月渾無恙，斗大金章不換癡。

懷胡彥遠

細雨黃梅百舌閒，千林草綠對衰顏。
傷時痛飲陶潛酒，扶策愁登謝石山。
桑苧雞聲迷客帳，蒯緱劍氣老間關。
津梁總不因聞達，謂我何求意已艱。

和屠闇伯

蒹葭早歲識音徽，筍蕨于今酬樂飢。
益信山中還自得，相看海外故人稀。
柴桑處士黃茅屋，道學先生白布衣。
寂寞時聞

歌古調斜陽蔓草其依依

朱願爲字求俟邑人一是子處士著紫薇軒詩集

嘖嘖復嘖嘖驅愁如對敵何地可避愁區區人世窄茫茫入
醉鄉愁來無處覓眼中不醉人盡是離鄉客莫與醒者言此
語良非僻醒讀太白詩不知真太白

題葉子寫張子泛舟圖

不寫舟從來不寫舟所止想君落筆時泛舟剛到此

長干秦史

子房之鈍如霹靂大索不得真厄厄未知何術可避形想是
當年身在壁子房此時豈偷生身死秦前無秦敵吁嗟力士

硤川詩鈔 卷十八

十九

者何人名姓至今無處覓

瓜州夜泊

長干警斥堠不敢問來程鐵甕城無火金山寺有兵大江歸
夢斷孤月落潮生坐聽檣烏噪長年爲報更

有客

有客在江湖詩成酒百壺句從天上落狂亦世間無擬託漁
樵去任留名姓呼浮生原不定何用哭窮途

春郊晚步

絕無山水可流連攜杖閒吟入秫田殘杏一村尋酒市斷橋
雙柳繫春船何時築舍沿溪住盡日看花帶醉眠不解行人

便歸去斜陽還在竹樓邊

秣陵寓樓

南國獨登樓，憑軒涕欲流。自存孤客恨，不爲六朝愁。寂寂烏衣巷，離離芳草洲。江東王氣盡，淒冷動千秋。

小園

種竹疏渠復植松，小園日陟興何濃。只嫌牆外無山看，時借奇雲當遠峰。

淮陰有感

進食淮陰市，捐驅呂雉宮。始終由女子，成敗定英雄。事業二分失，功名百戰空。從來安樂後，智士不教同。

莫笑天涯客

莫笑天涯客，歸期不自知。還將未來日，都算是歸期。

硤川詩鈔

卷十八

二

約過東瑤精舍雨阻不果同人分韻寄林公

燈火前街興未闌，柴門何事獨深關。世間物是杯中好，天下人輸我輩閒。忽聽雨來催曉月，竟虛僧約問名山。如今正值花時節，取次須教日往還。

酬胡天岫次見贈原韻

列代文章各擅長，陳言刪盡豈爲狂。生身自在開元後，何必將詩擬盛唐。

見月

今夜清光好，緣何對別容。還儂去年月，依舊照相逢。

次秋錦過東瑤精舍訪林公不值韻

入明誰識者，流水獨知心。如此高秋裏，斯人那可尋。行藏同

葉落飄泊到霜深童子不知處先生空自吟

印人曹宗敬捐石子版

交業類 滿萬民參校

燕燕字補大歸丹在嘉興大塘湖內子舉人後官其志介

著有留素堂集刻介之序其詩詞多應人徵求其志介

字格○吳小泰云此書在子石高家園

五言似孫石孫石七言似孫石孫石

孫石文獻孫石丹其志介其父志介不詳其志介

志介之子孫石志介之子孫石志介之子孫石

志介之子孫石志介之子孫石志介之子孫石

志介之子孫石志介之子孫石志介之子孫石

硤川詩鈔 卷十八

五



天賦天賦天賦天賦天賦天賦天賦天賦天賦天賦

列代文章不壇長陳言副聖德其任生真在隨

詩詩詩詩詩詩詩詩詩詩詩詩詩詩詩詩詩詩詩詩

月月

不夜何尤野幾何對別寄遙信大年丹欲善照相遊

矣秋錦過東歸結合訪林松不植

硤川詩鈔卷十八童子不知處先生空自吟

里人曹宗載桐石手輯

受業顧 瀾葛民參校

蔣薰字聞大號丹崖嘉興人崇禎丙子舉人後官伏羌令

著有留素堂集

胡介云丹崖博綜羣體天懷自見○王庭云西莊集閒曠之志精悍之氣溢於

毫楮○吳本泰云古風在李杜高岑閒

五言似孟浩然七言似劉長卿居多紫硤文獻錄丹崖先生以父老不就會試癸未增進士

名數至四百人或勸之辭曰使吾成進士而老父懷三千里之憂吾弗忍且天下事未可知胡爲遠游哉後任伏羌令以革弊忤上官落職歸日以詩文自課自號南邨退叟

冬日同寶水飲吳山

登高坐眺語離羣把酒班荆獨有君小閣風簾雙嶺雪萬家

硤川詩鈔 卷十九

一

烟樹半江雲仙都故社兵戈外野老新居水竹分信是行藏
隨意好人今莫誦北山文

蘆花被

元時貫雲石過梁山泊有漁翁織蘆花爲被欲以紬

易之翁卻綢索詩將被與貫後曹學佺有和予亦賦

焉

一片蘆花巧織成伊人秋水最關情雪深袁老臥猶暖蝶化

莊生夢亦輕菊枕擁來香共晚葭牀覆後月偏明漁翁換卻

新詩去歌向滄浪款乃聲

竹枝詞

聞歡上三峽猶未過黃牛妾心長百丈日夜帶歸舟

周篔字青士號管谷嘉興人著有采山堂詩集朱彙尊云青士詩句

敲字琢不輕襲前人片語晚年詩趨率易與浮屠道士游題咏極多

紫破文獻錄管谷先生居梅里混跡市廛有載故家舊書一船售于市者先生盡以困中米易之貯書樓下日

坐襍紙中且讀且市人爭笑之勿顧也後游京師無遇而歸至破得白水菴僧元本放庵僧行文深相契合時

流寓馬唱和極多

毘陵夜泊

橋李吳門一水通毘陵晚泊醉歌同出門缺月成圓月挂席

南風轉北風款乃聲中催髮白空濛影裏散燈紅不須便作

還家夢江海行隨把釣翁

羈棲

羈棲寒轉劇獨處歎彌深老剩觀河見雄消射虎心耳聾從

破川詩鈔卷十九

兩眦髮短任霜侵一譜猗蘭曲憑君爲賞音

夜眺

中夜松徑黑不知山月高迴風動林木萬竅皆怒號宛如泛

孤舟危坐驚波濤濕螢墮遠水野鶴鳴寒臯人生亦何常哀

樂隨所遭長歌望河漢何以解鬱陶

曉行曲

城頭月落雞初鳴鼓四起坐鼓五行霜華滿野馬蹄滑出門

莽莽雲山濶闌人挽衣雙淚流子啼女號愁復愁誰能骨肉

更相顧萬里揚鞭且西去

醉後率爾作

磨磚作鏡鏡不明石田欲耕不受耕貧家讀書那得成雞鳴

狗盜孟嘗客賺人已出秦王城

葛松初名保祚字子松明季貢生晚年改今名字友峰著

有且閒亭三編

紫破文獻錄友峰先生胸羅百家目空一世中年棄舉子業遜跡紫微山故人通顯者欲一望見不可得查太史初白過訪贈以詩云穿過林巒第幾層到門雙屐響登登祗應趙郡蘇和仲猶識成都杜伯升蜚遊難求借隱伴僑居直似此山僧白頭相對吾滋媿撒手懸岵尚未能許時蒼宗伯少同研席又兒女姻也致政歸距山咫尺非就見難折簡服或乘與來一談風月數語輒去已乃卸儒衣黃冠道服覓方外爲忘形交卒年八十餘

題聞人秀才楫者隱圖

兩山八十一聞人此許時菴宗伯句續起耆英後會真滿目霞屏秋

織錦森森蘭膝是長春

徐元粲字道力崇禎己卯舉人 國朝順治乙未進士授

峽川詩鈔 卷十九

庶吉士

紫破文獻錄吾里湯鄰初前輩善入法與董文敏齊名爲先生外祖先生因得其指授延試日上見其起草奇之及召對便殿問以年對曰臣五十二歲上曰不欺翰林清要地當任用不欺之臣遂擢庶常每待宴輒令賦詩眷注隆馬踰年以病卒有玉禾堂文集

題東嶽廟

介丘羣望冠芝簡百王隆結秀高東峽迎神配左龍鼎猶存

漢祀松不受秦封民德資幽贊蒼蒼仰岱宗

朱嘉徵字岷左號止溪邑人以孝廉署會稽教諭順治間

官敘州司李著止溪詩文集漢魏樂府廣序古詩廣序

詩系諸書

紫破文獻錄止谿先生少與朱近修范文白諸前輩結十二子社國初謁選得敘州推官六年告休歸與張

元帖朱康流朝夕談經蕭然物外邑令許三禮延修邑志亦簡而有法詩集佚不傳茲從東海詩選中錄存數首

立春日過洞庭

臘去城陵驛風光滿洞庭雪前三楚斷雲外九疑青草色連
芳杜漁歌出晚汀天邊傳使者移步看春星

黃牛峽

三朝三暮灘聲轉短拍長歌出水齊白鴈書難過夢北清猿
唳不到巴西江連斷峽風威壯雲逐荒臺雨色迷客路不堪
搔首佇黃陵月冷鷓鴣啼

自題草堂

行行何所適吾道在青溪漁浦春城北人家秋水西門前五

峽川詩鈔 卷十九

四

柳合屋後亂峰低滿目無塵物流鶯日日啼

哀三哀

吾生已足厭死者未云亡徐君墓宿草心許與劍長初從鳳
林游十九二十強嶽嶽青雲器爛爛列星行時危薄文術昂
畢始啟疆草疏輒痛哭持身以大綱朝廷正渴賢私門多禁
當有斧空無柯柄圓而鑿方上書同時別荆玉夜精光聲價
走璠璣所寶非世良入洛豈君意飢驅自旁皇五十始釋褐
因之白玉堂雲中雙飛鶴游止必相將一鶴凌霄漢一鶴淹
故鄉霄漢忽垂翅頗令存者傷

庶常徐道力元察

龍門後死者曠世得談子終老博士身義風振閭里磴礪臥
江山疏野氣味美薄俗難使真獨負蒼生恥上下數千年衡

斷無與此昭代十六皇聖德繫泰否蘭臺空汗青名山正時
紀校讐魯魚編直筆董狐史甲申逢世患徒步闕廷死去列
幕府雄氣橫建業水仗劍履間關畫河且高壘責我義公徒
破家存國祀悔不用公言偷活溝壑耳生歌平陵東邱首高

風起

處士談
孺木遷

郭公文章伯結交高陽徒力不勝杯杓酒盞無時疏愛客無
不可顏色真數偷手捻綠沉管拍浮錦屠蘇卽席賦新藻寒
水瀉玉壺清歡狎佳夜芳月帶尊虛百年常對此冷然三山
俱一從宦達去捉鼻揮當塗當塗良不易福羽隨禍樞郭隗
去碣石韓眾凌清都語默以殊趣各保千金軀軀命豈不愛
宦情亦相於世僞卻真驥鉛刀笑湛盧送君黃花發哭君春

硤川詩鈔 卷十九

五

風徂春風復九日攜酒誰與娛所以伯牙子撫琴淚成珠

大行

郭彥
深濬

人日歌

去年人日雪嵯峨今年人日雨澹沲眼前獨見一杯酒芳歲
蹉跎可奈何昨日有客秦淮渡六朝零落花無數當時羅綺
暗生香今日流鶯滿宮樹宮樹臨春交綺疏此時貼勝鬪芳
初萬年枝上月相似百子池頭花不如如花似月開新宴吳
苑隋堤不相見野老山中草木年醉起不知林壑變明年人
日且高歌滿眼春風吹海甸

花朝雨歎

花朝麗景春之半江上老人坐花歎前日芳林初蘸水蕩漿

如梭走馬看看遍江北復江南節氣暄妍三月三東國二疏
方解綬河陽縣令始抽簪相逢取酒臨花日白露連朝暗江
色江泉流雲礎柱浮天庭部令豐隆得殷殷遠地竟天端且
釋七箸追遺歡逡巡卻起占農麻傳道春雷十日寒果然大
澍及亭午餘花雪片沉泥土又聞花朝愛早晴不爾連宵十
二雨况復雨纏春甲子家家麥濫秧萎死只今郡國傳點兵
役夫馬馱人夜驚溼花倚樹悲落去厭窺芳草天涯青青
柳帶沾江岸寒雲淄淄風吹斷騷人縮頭撥爐紅思婦凝眸
心曲亂故人薄宦到并州近戍邊城東海頭仲春草木蕭然
秋江上花枝爲誰好空階夜雨攬人愁

同社諸子及郭中翰姜將軍集書乘池閣

硤川詩鈔 卷十九

六

泛酒真成河朔游頗梨高映管絃浮論兵不避將軍樹選勝
同登仙客舟金鎖綠沉開綺席玉槽檀撥按伊州只疑此曲
人間少飛上三山十二樓

登數峰閣

數峰古閣面江湖難浣先臣血淚枯白走胥濤吞百越青排
楚塞入三吳新亭舊恨迷芳渚夜月春枝冷鷓鴣此去孝陵
松柏路憑高西望已模糊

張翬字又陶鄞縣人嘉崑弟順治丁酉舉人任陝西仁牧

令

坐雨西寺呈大兄

野航憶別又經年高隱何妨小市塵月正鶴歸西寺柏雨餘

鐘動兩峰烟二三孫幼初勤學南北隣貧未種田閒坐草堂
重話舊海門雲接故鄉天

朱昇字子昌號方菴崇禎壬午舉人順治己亥進士授東

昌推官改峨眉縣知縣

哀西江詞

哀西江江不流江楓簌簌生暮愁
瑠弓大箭千紫騮連囊飛
棟一日休五老之峰吹鬢栗
滕王閣上聲啾啾哀西江江上
幾明月月圓復月缺丈夫請登陣
行與妻孥訣夜半大呼齊
著鐵擊鼓鼓絕寶刀折氣壓一孤城
城外起邊聲男兒戰死
腦塗地翠眉青娥牽左臂少小何曾出繡幃
白刃驅來隨馬
轡哀西江江草江花多令辰那堪今日是離人
潮平輕別都
陽水樹色遠開場子津紫塞琵琶怨裏度橫塘
雞犬夢中親
哀西江江千尺向中流招魂魄
江水古今清江雲日日生
請看昔歲繁華地狐兔縱橫野鳥鳴

硤川詩鈔

卷十九

七

嘉州登舟贈別彭生信之

已向江湖作散人
憐君相送益相親
蜀山莫道青天上
明月同看只一輪

陳訄字言揚號宋齋海鹽人廩貢生官温州府教授贈通

議大夫河南布政使著有時用集

方婺如云先生天機駿利落筆如白雨嘗

與客卽事賦詩至往復八九和客或思竭不能續先生怒瀾不已尙可賈其餘於欲勇者

紫硤文獻錄宋齋嘗游梨洲之門研理學並傳勾股法後析居海鹽卽鄭瑞簡公故宅因以師簡名其堂嘗舉柳氏家訓門第高可畏不可恃二語刊諸座右以訓子姓爲文峭厲淡宕詩喜韓蘇而歸于少陵旣避宋十五

家詩以矯世之僞爲唐者復選唐
省試詩杜詩以救世之托爲宋者

窗外小梅初放

冰姿點綴漏春光屋角疎枝闇自芳空谷天寒翠袖薄高樓
日暝玉魂香閒吟靜對花如雪坐嘯雙清月似霜仰看參橫
宵正半巡簷搜句攬枯腸

支俸自嘲

一揮作廣文俸薄如蒙館但可饋粥供直須葷酒斷而我頗
相宜嗜好生平懶陶情書卷閒應酬苦醉衍石銚煎松風雪
乳浮兔盃大勝晶鹽盤亦易鼉腹滿月俸支數星寒客尙可
欸

王丹麓石榻聽松圖

硤川詩鈔 卷十九

八

看君玉貌皎如雪伴君松石同皓潔此外世界黜若漆君豈
知白守其黑吾思聽松聲在松世人對松如宋聾耳根無塵
虛籟起聲不在松在君耳

到家信宿卽行途中感賦

久出纒歸戀欲畱堪嗟信宿便登舟身如夢到來難住跡反
萍飄定亦浮暫展楸梧傷恹憊

便道展
先人墓

閒看鷗鷺羨優游辭

家去尙官齋遠兩處愁牽曷罷休

我家江尾海茫茫薄宦尋源到濫觴山色浙西行半遍旅愁
篷底味全嘗雲歸遠近峰隨宿鳥倦高低樹盡藏何日放還
吾願足躬耕不悔老南陽

陳勳字允升號梅溪邑人康熙乙卯舉人丙辰進士官至

京畿道監察御史

紫硠文獻錄梅溪先生以臨安籍登第授輝縣知縣除積弊以安民勤月課以勸士歷陞監察御史掌京畿道奏旗人高三等數許積案革司坊撤網借辦諸陋規忌者側目後以牽連罷歸卜居西郊蕭然物外雅善丹青雲山水樹隨意結構迥異凡筆四方持練索者踵接也

題閨梅林秀才者隱圖

當代者英重高風不易親紫微迎杖履白鶴想手神天地容人老交遊閱世新自慚無好句何以祝長春

楊中訥字崑木號晚硯邑人少司馬雍正子康熙丁巳舉

人辛未傳臚官至詹事府右中允提督江南學政

紫硠文獻錄晚研先生性恬雅讀書外無他好迨遷中允視學江南既罷官閉門哦咏築園于鹽邑顏曰拙宜與尚書許時菴編修查初白諸前輩踵香山洛社故事集者英會賦詩飲酒于中硠川五老會亦時與焉書槁

硠川詩鈔卷十九

九

晉唐于縱橫中具
有法度人爭寶之

園居雜詩

偶愜樓遲志城南小築幽夜深風弄竹人靜月當樓稍覺塵
區遠還同物外求簟涼催好夢衣露入新秋
每喜當空坐呼童掃綠莎梵宮疏磬出城角夕陽多倚檻看
馴兔臨池懶換鵝興來無個事醉月任婆娑

密篠叢深澗疏藤過短籬雨餘蟲墜網風動鳥驚枝遣興惟
宜酒投閒不用碁夜來池上月新影照蛾眉

坐久心逾寂香烟定裏消池清星落水樹靜夜聞潮蒨店雞
鳴早官途馬足遙半生勞苦慣倦欲趁漁樵

查慎行字夏重號他山又號初白康熙癸酉舉人癸未進

士除翰林院庶吉士授編修著有敬業堂詩集

紫破文獻錄初白先生敬業堂集久已膾炙人口且鴻篇鉅製美不勝收茲特錄五老會時數詩以存其概
過惠力僧房訪葛友峰

穿過林巒第幾層到門雙屐響登登祇應趙郡蘇和仲猶識
成都杜伯升蜚遐難求借隱伴張平子賦欲蜚遐以保名僑居直似此山

僧白頭相對吾滋愧撒手懸厓尙未能

題西山快哉樓

東山標一塔樓與塔尖齊日月光先到松篁勢盡低爽宜延
眺聽老慚卻攀躋緣境隨時結詩成信手題

座主宗伯許公再邀楊晚研陳宋齋梅谿及余爲五老

會席上分賦二章時立冬後四日

硤川詩鈔 卷十九

十

又作名園三日畱款門人各有扁舟宵能縱酒晨還醉晴便
登山雨卽休且喜大家添一歲未應高興減前游黃花已老
丹楓嫩斟酌初冬勝晚秋

勿論雪北與香南谷水東西亦有菴行處人言星聚五序來
吾黍齒居三緇黃世外關存歿是遠上人仍入坐南山張道士已下世風月樽

前助笑談錯料詩成如噉蔗後來居上得無慙晚研梅溪兩家令子俱從

游詩又先成故戲云

朱爾邁字人遠號日觀嘉徵子以諸生入成均著有日觀

樓詩文集

紫破文獻錄先生幼卽擅詩名弱冠補博士弟子益潛心實學舉所讀書悉發之于詩奇俊雄偉不名一體父止谿先生自敘州歸承歡膝下朝夕唱誦家庭盛事人盡稱之嘗隨游至硤古蹟名勝紀敘吟咏殆遍且合三

世爲一集題曰
兩峽紀游草

舟中晨坐夷陵作

邊馬嘶寒急霜風割面來空垂去國淚何處望鄉臺形影親
孤劍波濤送一杯荒殘今更甚不必問秦灰

東青驛見梅花

萬里飄零首重迴東青古驛見寒梅若爲遠客衝風盡那復
新花待臘開鐵笛橫吹江瘴斷玉峰遙挂酒船來年年浪逐
巴人俗白雪高歌醉懶裁

朱涓字亦大號曉亭爾邁子諸生著有曉亭詩鈔

拜經樓詩話亦大祖嘉徵父爾邁母葛氏宜並以詩名
故少工吟咏氣格清澗時造晚唐佳境所作不輕示人
故罕知者予既錄數篇入湖海詩存頃復讀其楚游偶
咏隨筆于此貴溪道中云雨長深水腹雲斷鎖山腰市

峽川詩鈔卷十九

十一

汶卽事云沙虛寒集雁風急健呼雲咏驚雁云衝風橫
斷景帶水咽離聲桐廬道中云夕陽水確鳴孤緜遠樹
秋蟬咽斷風寄陳梅窗先生云別蒲州長封斷鑿荒原
風急嘯枯體旅夜懷二兄云暮江風急雁初度旅榜月
明人未歸再渡鄱陽湖云殘旗捲霧迷寒草故壘連雲
鎖夕陽旂夜感懷云夜輿重林鳥未返寒生孤枕客先
知苦寒偶述云殘月樓巖
沉桂魄嚴霜壓樹結冰花

酬別芸軀素培兩姪

寒沙淼淼掛輕帆醜酒離亭有阿咸白雁聲中辭故國黃花
節裏換征衫風迴江閣星初亂樹倚秋城月半銜此去湘湖
清似鏡且須放眼滌塵函

秋月

素影斜臨紫塞寒天涯懶向九秋看幾時回首腸堪斷夜笛

初高曉角殘

秋風

蕭瑟商聲入夜長
亂縈殘葉下金塘
無端吹斷還家夢
散作征人滿鬢霜

送表兄查韜荒之燕

執轡相從苦未能
長途空復念良朋
衣穿大漠三秋雪
書阻黃河十月冰
廢堞花深嘶去馬
荒原艸斷啄饑鷹
遙知此去金臺近
姓氏高題最上層

三千客路重開關
此夕相思不暫閑
殘月樹頭迷野店
夕陽驢背度秋山
漫憑濁酒消愁壘
肯被清霜破壯顏
引領天涯飛鏡遠
流光夜夜燭刀環

吳啟熊字渭先著飽墨堂吟稿

破川詩鈔卷十九

十二

初春喜晴

春禽喚起曉山青
我與梅花同夢醒
到眼新條含野吹
戀人殘雪晃書櫺
恨無左相長鯨飲
賸有維摩瘦鶴形
千仞振衣我自快
低頭且讀妙蓮經

秋原卽事

孤邨茆屋是耶非
林景荒涼過客稀
水滿山田涼蛤吠
雲來霄漢野鴻飛
幾人日暮悲彈鋏
何處風高近搗衣
長日不知山色老
倒拖藤杖到漁磯

查詩繼字二南邑人康熙甲午舉人官霍邱縣知縣

曉登紫微山上方懷舊

山市晴嵐曉氣催
上方鐘磬出雲隈
千門楊柳二條控
雙破

芙蓉一鏡開豪估頻年多曳縞叢祠何地不名臺伐蛟射虎
還能記賽鼓枌榆首重回
巖岳字自公號止峰海鹽人處士

穀貽堂雅集

好友堂前菊有秋盤餐狼藉酒爲酬心同野鶴羈飛錫
人在身似孤鴻傍蒹葭尋水看山忘歲月談詩寫竹任淹留

吾曹不醉休歸路刻燭時聞第二籌

秋夜集存古堂分韻得蝦字

買得前溪九節鯁留賓秋夜月痕斜遲來何必拘倫次別去
應知思屢加險韻賦詩酬地主蒼顏趁酒任天涯香風叢桂
吹瑤席深漏頻勞翦燭花

峽川詩鈔 卷十九

查昇字仲章號聲山邑人康熙丁卯舉人戊辰進士授翰
林院庶吉士歷左春坊左諭德詹事府少詹事著有澹

遠堂集

紫硤文獻錄錄宮詹爵不甚顯寵遇特隆四方求書者塞
戶常然燭以應其請不肯假手他人至今流傳爭寶之
其未達時嘗假西山清隱禪房爲
誦讀地故其翰墨僧房尙多焉

訪吳采山不值

秋水乘孤艇沿緣亂葦閒時看黃葉落境共白鷗閒林影溪
邊屋鐘聲雲外山故人今不見月出棹歌還

過浦口和韻

公路浦口浦水清甘羅城外征人行大河直下千萬里哀雁
差池三兩聲南國浮雲天際滿異鄉秋艸夢中生側身四望

渾無盡新月江關一片明

天台道上

海門山逐大江隈玉闕瓊樓次第開山氣橫空當面起江聲
一線逼雲來清秋風月生蘆荻千古英雄出草萊福地豈知
行客到沉吟我欲賦天台

徐掄元字不夜號南畝嘉興歲貢生官寧海訓導

秋日懷舊

酒狂詩癖近如何猶有心情戀決科賦罷漢宮三十六不知
春色已蹉跎

周柯雲年七十尙踏省門嘗歲試一日草三十
六藝又題七古詩于卷末當時以狂生目之

柘南諸體膽才華醉墨淋漓題壁斜更好羊何吟侶在艸廳

共剔一燈花

家柘南遷居荷花池北與朱稼翁
李景濂兄弟比屋而居倡和甚夥

硤川詩鈔卷十九

十四

陳世湛字祖陶號石友康熙丁酉順天舉人

呈許大宗伯

嵩嶽鍾靈誕降奇文昌舊省百僚師身逢堯舜分憂切 帝
眷夔龍予告遲蓋世勛名垂竹帛故園泉石淡須眉惟餘捧
日丹心在清夢時時遠玉墀

力返涓風託化權典型不憚一身先溫公有會名真率文正
居家廣義田林下笑談容後輩花時酒脯引高年春官分職
宏邦教竊喜維桑景大賢

遂初自喜乞閒身九老風流見古人白髮金貂堪入畫韋天
杜曲迭爲賓鄉鄰不覺尙書貴巖壑常留甲子新聞道閉關

耽著述歸田錄早達 楓宸

吏部文章倡海隅歸攜玉尺造羣儒門高元禮誰懷刺帳啟
扶風許濫竽兩度雞壇承咳唾九秋鳳嶺負追趨松風謾謾
書堂靜翹首台星近斗樞時世基肄業敷文書院

雨後聽山泉

空濛山色擁殘雲歷亂泉流百道分急雨乍闌人破寂斬新
水調耳邊聞

陳梓字俯躬號古民餘姚人布衣著有陳一齋先生詩文

集布衣出劉念臺先生之門雍正甲辰舉孝廉方正辭不就晚年寓居濮川依其壻以終學使雷翠庭爲其受業弟子嘗以紙鸞詩寄之

雷讀之心動即日移疾去桂萼軒詩話宋人以理學語入詩不善學之未免如陳羹宿鮪見者掩口求其從性情流出而藹然見道者百不一二也古民先生近代篤行士其爲詩不襲一理學套語而偶一涉筆無非卓然名理是眞于此道中獨闢

硤川詩鈔卷十九

畦町不屑拾人牙慧者也

紫硤文獻徵客星山人寓硤最久爲人坦直和易不苟言笑與張北湖許慕迂講論張楊園之業書法柳誠懸出入手長史懷素之間圓勁蒼秀爲時所重詩則樂府古今諸體靡不畢備骨格古健卓然成家

紙鳶

一線通天任所之青雲得路日遲遲何難放手眞癡漢莫惜
擡頭是小兒暮雨漸多應早計春風雖好不長吹君看健翮
摩霄鶴尙有燭毛下鼎時

周平王廟

不信東遷百戰餘峩然廟貌託精廬破除文武千年業成就
春秋一部書豈有小弁傷嫡庶空聞揚水怨兵車至今瀕海

遺民淚禾黍離離灑故墟

蘭花

百花紅白逞脂粉惟有此花涵碧玉生來稜角不諧世翻笑
梅花太圓熟亭亭秀迥曉風餘采采含膏鬢新沐人間蕭艾
方盈腰誰識幽香保初服丹心祇得蜜蜂知君不見高崖拱
背獻王時

虎林舟次戲作

山中聞杜鵑勸我還嘉禾村中聞杜鵑呼我歸曹娥令我出
戶還入戶欲去欲住兩無主不如留滯西子湖有花有酒聊
自娛中立其免許我乎

江亭

江亭小坐倚枯槐一事關心入句來五月家鄉好風景白鷺

硤川詩鈔 卷十九

十六

紅汁賣楊梅

雪竹

處世忌太潔我愛臘底雪處世忌太剛我愛風中篁以雪壓
篁篁不知碎玉縷葉冰膠枝兩美合璧誰幻此南高峰頭瘦
腰子我欲畫竹筆無力我欲畫雪紙無色不如保此數竿白
翠影寒光坐明月

寄吳次昭步韻

悵望伊人水一隈空江迢遞雁聲哀有心白髮和愁種無主
黃花傍客開茶庫數牋初請質山城一宿記曾來贈雲何日
重聯榻呼取牆頭麴秀才

次文毓移居韻

移家不出柿林中兀兀高樓坐朔風幽趣可方秋月白醉顏
時倚夕陽紅密栽醫俗凌霄竹輒煮娛賓過雪蕊墻隙更添
蕉數本我來題作碧雲宮

除夕

客路頻年付欠呵入春入日又蹉跎支吾市帳醫逋減檢點
詩囊輓句多不信流光彈指過可堪世事壓頭磨把杯擬向
梅花別暮雨瀟瀟奈爾何

鑑湖舟中

正月渾如三月天桃花歷亂李花鮮應緣閨後挨春早不是
江東得氣先矮樹人家妝鏡裏遠山漁艇畫屏前布袍白首
堪遊憩裘馬何人羨少年

秋川詩鈔 卷十九

七

題白雲書屋次韻

肯爲丹青浪竊名閒雲片片著衣輕蓮牕晝護爐香暖紙帳
朝籠客夢清栗里桑麻何處隱劉家雞犬不相驚每來款坐
供微笑添得松聲與澗聲

三嫁婦

女子從一終道在不二耳可二則可三四五何底止少者諄
多者所見反不廣歷事更數君古來有榜樣天南孤雁飛注
目發長想

耳鳴

漸老厭聞問譁然徹四更陸居同海汨春夜鶻聲亂
逾靜恬懷境本清不須尋服餌世事總難平

觀清渠作畫

醉中畫醒石雨中畫枯樹嵌竇生玲瓏花葉忽飛舞是間有
酒趣與天相水乳真機所流盪不由我爲主頃刻數幅成疾
風捲荷渚此興從詩來詩疾畫如許世間工畫人都不諧韻
語一卷清渠詩持歸作畫譜

戲吳題跋仙

凡胎解脫化不能療爾足葫蘆中何物梅子可曾熟跛翁曰
不然得馬未爲福萬事有蹉跌吉凶相倚伏說法試現身穩
坐膝雙曲處世退一步知足斯不辱君看巖上藤半是不材
木此意畫史知蕭疏寫單幅

橋李城懷古

陝川詩鈔 卷十九

十六

何年橋李剩仙株春水茫茫范蠡湖吳越霸圖空顯赫齊梁
勝蹟久荒蕪裴公宅畔寒鴉噪翁子墳頭夜月孤千載獨留
游賞地一樓烟雨碧糝糊

由拳今號小長蘆樂府猶傳阿子歌學繡里空花糝逕傾脂
河淺日沉波草荒嚴助誰澆鬣亭迴希真客泛螺南渡蒼涼
遺恨在不堪指點舊金陀

題吳振武指墨佛手柑

佛未入中國此果何由呼吾欲去佛字手柑名可乎道子老
孫子聞言笑曰俞遂以手畫手墨與香風俱厥色可抵金厥
性能開瘵折枝雖虛妄觀象成形模雨齋坐悶時一覽胸快

如

郭璞墓

埋向中流爾獨存
金焦並峙草青青
覺迷一語乘生氣
流弊千秋是葬經
松下崗頭占太驗
銜刀散髮術何靈
游仙詩在成仙否
白月蒼涼鷺滿汀

梅五娘

五娘宵國涇縣人
黃巢之亂賊欲污之
不從遇害土人爲立香心廟祠之

敬亭山高雲窈窕
琴溪風清月皎皎
唐家九寢作塵飛
五娘獨有香心廟
香心廟前水鳴咽
香心廟中火不絕
至今一縣行波賤
萬朶梅花捲晴雪

王載揚過齋志喜

硤川詩鈔 卷十九

十九

頭白強爲客
歸歟復繫舟
酒顏斑似竹
詩骨瘦于秋
羨子還家好
諸孫繞膝稠
六朝徵舊曲
燈火說揚州

得家書不寐寄內

每逢書到怕開封
開罷還如信未通
遠客況當垂老日
誤人轉在不言中
無緣蝶化希蒙叟
錯怪雞聲賦惱公
多半裝豚衣
待贖病身幾夜怯
秋風

女抱母

秀水斜橋夜失火
一母病痠長女裸而逸
次女年十

三抱母死火中作女抱母

姊爲裸蟲生
妹作火蛾死
妹豈不愛身
與母同一體
母屍女骸兩相抱
乳哺還如在
襁褓烈焰難銷
母子身真火難熔
貞

孝心團團方寸明如晶中有母女偃抱形姊來下拜空涕零
百萬裸蟲都枉生

典田行

豪家典田不買田口典契賣從債盤稱心起息按月算母一
子五恆相權今年田收開畝角後年蠶熟糧推完貧家田日
少富家田日多點墨署花押後悔無如何貧家田盡且勿愁
富家田多起高樓樓上笙歌冬徹夏樓下呼盧曉連夜天道
好還君勿訝賣田便是典田者

景女篇

許字周夫死守節姚江人

理本無兩是未婚當守死不守者何如未聞禮禁此卓哉景

硤川詩鈔

卷十九

二十

氏女一纓繫終始雖曰賢者過此道今難矣奈何歸太僕反
爲守節恥紛紛事一朝不見讀書子諸生能殉國亦足光青
史

題松閣讀書圖

世間有此閣者無此書羽徒佛子誇精廬有此書者無此閣
馬隊講肆徒嗟吁有書有閣無此人萬卷空飽殘蟲魚彼何
人斯此容膝高坐琅琅出金石寒濤貫耳萬慮空秀色含窗
亂山碧手中豈是楞嚴經亦非陰符及黃庭六朝三唐當屏
棄何況帖括齟齬聲君不見春來桃杏潑眼紅凡花百卉嬌
東風歲寒冰雪無一存惟此突兀千年松人生讀書須有用
老大終當作梁棟我無高閣對蒼髯且抱殘編日吟諷

徐昌字樞文號筠谷邑人諸生著有筠谷詩集通駁倪氏云徐丈博

覽羣書源委畢貫性剛直善談論工詩古文詞卽景生情輒援筆立就不事藻飾而詞采斐然脫稿後凡一韻一聯之工必朝夕呻吟音響鏗鏘人亦爭相傳誦寓崇慧寺偕劉是宜輩讀書日先樓又館于倪氏題咏滿壁寓歿時所著有見山樓及南麓樓等稿姚江陳古錦至破訂忘形交往還酬唱殆無虛日

晚眺

遠岫蒼蒼天四垂殘陽明滅晚熹微竹叢深處炊烟起接着

秋雲不肯飛

白香山蘇東坡

太守風流蘇與白遙遙前後兩相望一時人物無瑜亮千古文章駕宋唐勝地勾留傳好句長堤宛曲尙垂楊昔賢踪跡侔天壤常並明湖山水長

映川詩鈔卷十九

于忠肅公墓

擁立非邀寵興亡繫此間計安危社稷力挽敝河山毀積能銷骨杼投竟信奸松根埋骨地化碧血猶斑

西湖秋泛

秋氣爽羣山澄空一望間意隨青嶂遠人共白鷗閒菰葉參差倚漁舫斷續還懷人吾有句思欲采汀蓀

韓蘄王廟

績著清溪敢戰身古祠秋艸豈湮淪錦衣鷲敵奇男子袍鼓從軍烈婦人虜逸金山爭扼腕驢游湖曲獨傷神英魂精爽應銜恨未掃中原塞外塵

祝華鼎字洵文號曼人邑人乾隆甲子經魁著有古井道

肅

甲士

人詩集及龍山夜雨集

倪通駿云曼人豪邁個儻詩初

淡得劍南神髓五上公婦不遇游感半天下卒于門人陳雲巖潮州府任所其婦翁爲倪二酉故往來硤川干兩山古蹟題咏最多○桂萼軒雜誌云古井道人學杜而得其壯浪詩餘亦甚佳

夜詠

灞柳西風渭水濤客心何事首頻搔江淹別恨傳雙賦潘岳春秋感二毛秃筆幾行摹薦福深杯滿引讀離騷月明又聽秦樓女吹得簫聲入月高

次韻答倪蒲菴

來雁篇成畫不如雲林人物況蕭疏龍山黃葉相思夜硤水紅梅見面初春酒華燈堪破惱禪牀清夢已逃虛何時小結吟詩伴柳下鶯邊看荷鋤

硤川詩鈔 卷十九

三五

半山寺

半山山未半山寺與山通松影石壇靜鳥鳴秋澗空客來人外徑僧定午時鐘且住喫茶去行當叩朗公

東朱生子培

洞口桃花水接天捕魚人杳武陵船小樓昨夜雪三尺君若來時帶酒錢

亂石鋪

兀兀蹇驢憑小睡驚回客夢踏嶙峋奇雲刺眼皆頑石老樹垂頭似故人浦岸斜陽蟬意亂茅菴流水犬聲馴前程便是商山里好脫征鞍穩結鄰

汪仲鈔字豐玉號桐石桐鄉人乾隆庚午舉人以子如洋

貴贈翰林院修撰著有桐石草堂詩集

汪孟錫云豐玉弟十歲作詩深

切工穩卽無煩長老指點十一歲從宦道左博覽山川
賦土肆力爲之自漢魏而降經緯蹊徑一識別于宋
人中酷愛山谷半山二家視時俗拾何李唾餘以詭附
盛唐者則心厭薄之其詩密栗深嚴叶韻而不爲韻叶
使事而不爲事使有獨開生面之妙○州志富賢傳豐
王依婦翁編修許惇讀書破川與其人士眺咏兩山多
倡和之什座主裘叔度曰修題其集云天下無雙雙井
黃流傳句法刻寒銚憑君更導西江派淨洗鉛華印妙
香

雨霽東王穀原比部

鳩婦中林喜離巢又返窠晴來三月杪春去九分多酒豈寬
愁鎖書偏引睡魔樓窗臨水拓枯坐意如何

泰安道中

雨歛東州萬斛埃真形步步見崔巍輕容善女朝元去破帽

硤川詩鈔卷十九

三三

寒儒應試回密樹粘天遙睇髮豎輪觸石俯聽雷小寒食記
今朝是底是梨花竟懶開

王又曾字穀原號受銘秀水人廩膳生乾隆辛未南巡

召試 欽賜舉人授內閣中書甲戌進士官刑部主事

著有丁辛老屋集

金兆燕云穀原爲人講灑塵藎之外
一言一笑皆有天趣其詩不專一家

然真趣流溢頗似其人○曹自銓云先生詩不名一體
而色則似靈運之過肖讀莊子則似淵明之讀山海經游
廬山則似靈運之過肖讀莊子則似淵明之讀山海經游
蓋諸宮詞其他傷離贈別纏綿愴惻之語無不直追古
人而與之逼肖然遺貌取神非若
有明王李諸人生吞而活剝之也

舟夜聞雁

不及隨陽鳥攸居此地偏聲寒彭蠡月影亂楚人船浩蕩江

湖濶漂搖雨雪連那堪燈暗夕旅枕迫殘年

游虎跑寺次坡公韻

秔稻連村橘柚香
暫來心地得清涼
穿階海眼靈源活
掃笠松毛翠影長
竈下點茶煩長老
世間醒睡有良方
莫教南嶽重移去
留取他時更細嘗

直廬雪齋

鏗然檐角墜冰釵
鵲語喳喳逗好懷
清削花甌箋乍呀
寒開玉宇鏡新揩
遙看春色浮三殿
暗憶游氛淨六街
爲報昇平車馬客
上元準擬踏燈皆

因是菴白秋海棠

雙樹慈門色是空
墻陰霽翠澹秋叢
佛燈半滅一蛩語
月冷霜清立曉風

硤川詩鈔 卷十九

十四

夏雨連夕涼甚明甫招集綠溪同用丁丑歲避暑小飲

得冰字韻

出入園扉兩腳仍
楊梅盧橘嚼兼冰
襟裾涼似含風篠
枕簟清于結夏僧
溼尙將雛愁老燕
飢來著案厭痴蠅
浮生消得幾番暑
只合持盃喚不膺

葛璇字仲達號玉湖又號橘星邑人諸生著有月我軒集

挂帆過吳江

解纜復行行
沈寥天氣清帆分
斜日影雁帶過江
聲生計只如此輕裝
又獨征今宵成客夢
百感一時繁

吳門歸棹

一片鄉心急水流
好山笑我不回頭
扣舷休唱歸來曲
怕有

孤征遠客舟

沈開勳字呂璜號層雲乾隆壬午舉人官麗水教諭著宜

雅堂詩集

紫硤文獻綠眉雲先生余從姊倩也秉性恬靜品亦端
慈好古嗜學雖客居亦吟咏不輟其論詩有曰詩貴陶
寫性真毋塗澤爲工毋餽釘爲博毋僻
澁爲新詩文外聯體詩餘靡不工麗

顏魯公銅印歌爲顏衡齋作

紙上簌簌生風雷瞥見魯公銅印雙眉開流傳千春字不涅
筆力依然勁于鐵見公書如見其人遺物勿論贗與真兒童
走卒知名姓傳家奚藉印爲証印亦宛如新發硎譬諸草木
皆堪敬君不見秦朱漢白紛成行相斯史籀體各詳雲煙過
眼果孰長所重者人非圖章魯公之名真不忘銅也遠勝金

硤川詩鈔 卷十九

二五

玉相是宜永爲子孫藏藏之篋衍勿輕用得公佳帖識其旁

周嘉穀字茂斯號華薌諸生

望西嶽次韻

峭壁懸崖列幾何華山西峙獨巍峩仙人掌滿承秋露玉女
峰寒接曉河百尺瓊樓神闕近四圍翠柏古祠多頓教望眼
窮天半興到還賡白雪歌

陳璘字昆玉一字谿齋邑諸生著有松硯齋集

硤石懷古

書臺慕逋翁丹井識稚川惜哉尚書宅史籍無名焉何如萬
氏墓碑志元和年自從白傅至載詠青邱篇山川旣生色艸
木亦增妍始知名勝地多以風雅傳

張上發字端林號藝圃海鹽諸生

早發武原

露華涼乍滴破曉度沙汀帆影低殘月波光漾落星烟霞初動色雲樹欲分形紅日亭亭上旋看近海濱

蔡人麟字錫周號嘯巖海鹽諸生著嘯巖詩草

紫硤文獻錄嘯巖本農家子幼時服賈吳門暇卽把卷不輟旋棄買就儒授徒里中補博士弟子益折節讀書志守貞遂適蔡紉織事姑甚以孝聞

石湖秋泛

兩槩劃寒碧言尋山水幽亂鴉飛薄暝細雨溼殘秋嶼遠人烟寂亭空木葉愁緬懷高寄者指點說盟鷗

春日出閣步

硤川詩鈔 卷十九

三六

幾處紅英逐水流滿山空翠雨初收那知水盡山窮處一抹春雲繞畫樓

南歸畱別雪樵夫子

平生知己最緣慳何日高風許再攀迢遞長途勞夢想一重

烟水一重山

寒人懶學戲園總和道疏籬空在春欄獨結草

懷古雲樹冷長洲日暮亭上試香試茗

登華嚴寺

早發武原

硤川詩鈔卷十九

硤川詩鈔卷二十

里人曹宗載桐石手輯

受業顧瀾葛民參校

高涼字潔純明孝廉沈端室著聚雪樓稿

以下閩秀

送外應試南宮

鹿鳴宴罷繼瓊林報國文章試自今一路隨君千里雁三更
伴我九秋砧扶搖此去前程遠撫馭他年食德深珍重停驂
茆店下星霜何處不關心

舟次見荻花盛開有感而作

今日歸家泛小舟荻蘆無數立汀洲颼颼亂影驚栖雁札札
寒枝礙釣鉤積雪暗添花蕊密迎風不減絮絲柔恐傷過客

硤川詩鈔卷二十

鄉關思畱拂東西南北愁

愁中別姊

愁別河橋柳正陰淚珠點點溼羅襟已聞薤露腸堪斷又聽
陽關恨不禁江上花殘孤棹遠雲間鳥散一聲沈滿腔離緒
憑誰寄漫把新詩月下吟

聞雁

玉漏遙傳四鼓催忽聞窗外雁聲悲夢中驚起臨軒望惟恐
天涯有信歸

沈氏孝廉子餘女適高氏早寡守節

秋感

秋來景物最堪傷庭院淒清欲斷腸幾度金風摧溽暑連宵

玉露作新涼，蓉裳褪粉銷。餘豔桂萼初黃，試晚香可惜。團團好明月，被雲收，拾不留光。

徐瑩字素輝，號潔菴，有滄翠軒小鈔。

紫硤文獻錄：潔菴非硤人，自吳遷居兩山間，不詳其所。天姓字讀稿中漫述一首，殆殉難士也。其滄翠軒小鈔

田處士道
畊序之

與陸公嘉淑

狷介本性生，行止超流俗。惜名如惜金，愛詩同愛玉。虞山稱知己，漁洋非鄉曲。一言君記取，出山泉水濁。

漫述

揚帆挈子走江東，報國捐軀表寸衷。孝子不知能盡孝，忠臣豈必自言忠。金陵烽火何時息，故國管絃此日終。青史無名

硤川詩鈔卷二十

寧有恨，丹心碧血對蒼穹。

夫子云：我父子報國，非沽名也。故匿名以去，且屬余去。吳他適以避

亂，併不可揚我名于人世。他日史冊傳名，非我志也。

懷舊

孤瓊斷簡最蕭條，苦雨涔涔更寂寥。分韻唱酌成往事，繡書咀味永今宵。曾來古剎聞秋蟀，且向浮圖望怒潮。東山塔頂可望海潮誰識世人儉，父面撫膺一慟黯魂銷。

擬宮詞

珠箔銀鈎夕照時，珊珊玉佩響丹墀。蒔花小摘纖纖手，閒倚雕欄聽子規。

御溝新柳綠絲絲，好比章臺萬縷垂。領略此中真妙諦，紛紛

試畫入時眉。

吳氏字青霞處士沈三錫室明中丞諱麟瑞元孫女有青

霞寄學吟惜陰樓剩稿

山樓眺望次大人韻

憑高舒遠眺撫景思無窮
海色橫空碧霞光抹晚紅
林深藏鳥語水滿趁田工
握管尋新句深慚謝女風

寄呈家大人

節物頻催愴別離趨承色
笑爽前期非綠地有關山
隔只恨身長疾病隨到耳
鄉音頻夢接捲簾韶景感
移時奮飛安得晨風翼走
筆聊抒寄遠思

細草

繞砌纖纖碧緣牆密密滋
試看霜雪裏不減歲寒姿

硤川詩鈔 卷二十

三

擬宮詞

承恩慙喜奉君歡金屋琅玕六月寒
日夕新聲將按拍紅菱先薦水晶盤

風生水殿納荷香獨捲珠簾對月光
委巷遙聞車輦過黃門來報是君王

苦雨口占

雨浸稻田經半月雲陰作意十分昏
邨農望野腸堪斷沒脛泥深一尺痕

初夏山邨和韻

陰陰新綠繞池塘農事邨莊日漸忙
閒煞夕陽牛背笛數聲

山徑恣徜徉

播穀條桑徧野田
邨莊兒女各喧闐
樓前山色看逾好
病眼朝來愛捲簾

朱宜人工部主政許惟枚繼室諸生元期女有暗香樓詩

稿

家明府燕客署中皆一時名士詩以紀之

賓主東南盡藝林
黃柑釀美快同斟
幾番聽雨相思切
此夕披襟領契深
花署翻聯文字飲
雅歌絕勝管絃音
滿城明日傳佳話
競錄瑤篇仔細吟

查孟字次光編修許焯室太史慎行孫女太守克念女

和外雄縣監賑自述見寄元韻

彥國宣恩日
元城抗疏辰
青州成樂土
元祐屬完人
莫倚廉

陝川詩鈔

卷二十

四

成癖還須德有鄰
好畱溫玉質歸老白泉濱

酬外見寄次元韻

聞說公儀兩卻魚
清風儼續四知餘
直看一介同金穴
始信千鍾棄土苴
小草未知鴻有志
故鄉不奈雁飛書
還思天畔馳驅日
白髮慈親正倚闥

許玉芬水部惟枚女適秀水進士陸昌祖

同外月下過鵲湖

危葉下庭柯
微雲點絳河
涼宵清露早
沙岸月明多
漏逐鐘聲斷
檣隨塔影過
奚囊佳句在
正好扣舷歌

梅清字冰若號月樓秀水人成霖女海鹽上舍張辰竹室

著有月樓遺稿

紫硤文獻錄女史善操琴工詩詞尤精繪事設色花鳥點綴如生戚邨中得其片紙零縑靡不珍寶年三十遽稱未亡詩與畫不復多作并不傳諸闕外矣卒年四十有九女史雖不居硤然橫山距硤甚近爰附錄焉

題畫紅梅綠竹

不知誰唱竹枝詞併入江城玉笛吹曲罷月明人不見綠香紅影到窗時

墨梅

一樹橫斜倚硯池墨花圈出趁芳時不將玉質誇幽豔別有清香人未知

題畫蝴蝶花

紛紛鳳子產羅浮幻出花身到處留日午風酣春睡熟蘧蘧也自夢莊周

硤川詩鈔卷二十

五

題水墨荷花

一段荷香泛墨池烟鬟霧鬢影參差分明憔悴耶溪女徒倚臨風不語時

陳絢字蓮慧海鹽諸生張上發室有吟香閣遺稿

紫硤文獻錄氏嫺吟咏頗多佳句五言如夜雨中宵殘夢斷虛室一燈青別諸弟妹云別淚花前落離心雲外馳七言如咏茉莉云幽馥微聞人倦後素苞輕坼晚風前吳江舟中云清磬數聲村市裏漁燈幾點荻花叢亦極幽秀惜未能備錄

西樓晚眺

薄暮登高閣和風緩拂衣雲連滄海濶地迴碧天圍遠樹啼鶯嬾長堤過客稀悠然動詩興吟到夕陽微

登尖山

名勝古今傳登臨倍可憐
山根層浪嚙波底一峰懸
日盡天垂處舟行鳥去邊
銀河應易到不獨有張騫

奉和舅氏旅秋原韻

舅氏時
客清江

故園迢遞思悠悠忽聽秋聲入小樓
唧唧寒螿頻攪夢蕭蕭落木更添愁
白雲遙隔家千里香霧輕籠月一鉤
羈客此時無限恨清江何日返歸舟

秋日送中臺弟客游

初見東籬菊一枝少年行役意遲遲
難將別酒衝愁陣況有秋風颺客思
旅館淒涼鴻雁伴故鄉景物夢魂知
歸期何用諄諄囑莫忘門閭倚遍時

庭梅

硤川詩鈔卷二十

六

大地春回獨早知橫斜老榦吐霜姿
從教密雪迷三徑先向庭隅挺一枝
古石蒼苔明月下嫩寒微雨閉門時
閑來欲索巡簷笑小閣重簾下每遲

過田家

風光最好野人家門逕斜臨綠水涯
短旆青颺茆店酒疎林紅隱竹籬花
禾登場圃喧簷雀草滿陂塘少鈿車
更羨二三村父老閑來攜杖話桑麻

秋夜對月

皎皎銀蟾淡玉繩悠悠冰簟冷綃紋
秋來莫道逢搖落添得中庭月幾分

張步萱字貽令號紙田諸生李步雲室著嗣香樓詩稿

冷

細
得
畫

紫硤文獻錄紙田女史性貞靜篤孝友自幼
工吟咏稟承家學也詩雖不多頗有可采

木齋

生長渾無色與香漫依機杼作行藏
早知勤儉能安國自守孤高欲傲霜
救世豈真誇富貴論才何止善文章
笑他紅紫徒爭豔詎有經綸濟萬方

秋日有懷六嫂綬以卻寄

記送歸帆暑未收
兔烏如駛去難留
啼殘絡緯三更夢
飄盡梧桐一月秋
錦字懷疑何處問
繡牀待理孰爲儔
澈湖山色人爭羨
惆悵無因把袂游

八月十六夜對月

連朝風雨晚初收
一望長空翠影浮
人愛小窗延皓月
天教

硤川詩鈔卷二十

七

今夜作中秋
山厨且喜畱醞醪
好句還宜補唱酬
況復冰輪光倍潔
不嫌相對盡更籌

落花

似水春光去不回
萬花零落錦成堆
卻憐空色參來幻
化作濃陰掃未開
紅淚飄蕭飛野陌
玉容憔悴葬山隈
一腔心事渾無定
莫挽殘香入座來

零落嬌姿向夕陽
杏緋桃豔總難忘
驚看枝上鶯兒倦
博得梁間燕子忙
水漲池塘紅雨舞
人來院落綠陰涼
可憐國色埋三徑
歸去王孫屢斷腸

園亭美豔覓無踪
轉眼飄零景色空
歸去春光逐流水
飛來花影舞迴風
深深幃幙人愁坐
寂寂溪山客悵逢
荏苒芳時

容易過最憐無術護嬌紅

嫩綠叢叢別有天前塵
悵觸杜樊川疏林相倚
徒添恨靜院重過倍可憐
轉盼池塘原似夢
緣知花木不如仙
韶光草草蛇歸壑
怕聽空山泣杜鵑

晚泊楓涇

啼罷林間逐婦鳩
綠陰深處暑旋收
穹窿雷應先鋒電
龍虎風追不繫舟
穹窿龍虎皆山名
四野濃雲千澗墨
一天涼雨萬山秋
等閒拋卻齊紈扇
清澈詩懷好唱酬

社日

東風二月散春光
社鼓初停燕未翔
莫道主人茅屋小
烏衣近也學炎涼

硤川詩鈔 卷二十

八

聞雁

霜華如月月如霜
嘹唳聲聞雁一行
漫說銜蘆能避弋
秋來春去爲誰忙

苦雨

不堪塞耳盡潺湲
徹夜連朝百慮煎
試問女媧今在否
還應及早補蒼天

薛英字小濤 以下名妓

詠白蓮

西子新妝妙入時
蛾眉淡掃卻胭脂
含情不語凌風立
香滿

晶簾月滿池

沈蕙字春芳

咏白蓮次小濤元韻

彷彿楊妃出浴時
冰肌掩映比凝脂
風清月白無人見
一片幽芬冷碧池

大皜字枯雪

以下詩僧

紫硤文獻錄枯雪竹憨兩開士皆與萍社會中諸名流唱酬詩頗清逸茲從萍社詩選中錄存

冷泉亭看殘雪

蘚泥膠齒步移澁
欲行不行樵風急
崖上頽雲串鼠藤
松梢殘雪打僧笠
山泉凍死不出聲
晴烟吹活纜飛色
踏徧黃鶯未肯啼
歸來兩袖梅花溼

泉南卽事

門掩清溪水氣涼
閒鷗幾點浴滄浪
板橋斷岸遮漁火
古寺

硤川詩鈔

卷二十

九

殘鐘帶夕陽
燈靜露寒窗
紙溼竹深雲
老石苔香夢回不盡
春宵景雜踏松梢
月影長

不寐

庭樹老陰消綠
姿秋烟雜雨結
簷絲蟲聲冷
弔殘燈
燄月影淒翻敗葉
枝傲骨多從貧
裏長詩魔每向病中衰
年來未就巢雲計
羞對湖山幾故知

林璧字竹憨

山居

偶卜山居勝悠然
世與分鉢虛
盛曉露衣破
翦秋雲竹色移
簾淨泉聲到枕聞
閑來無底事
拄杖對斜曛

有懷

此別忽經歲人情轉覺離有詩空寄淚無意作歸期萍梗隨
吾老雲山入夢思半生癡絕處冷月獨相知

秋懷

兀坐茆檐清晝長寒雲幾片弄溪光遣愁日日憑詩句抱病
年年檢藥方興到攜筇松徑寂倦來支枕竹窗涼不堪短髮
經秋白漫挈壺觴醉菊傍

宏道有遐觀樓詩

太平庵

招提古意饒誰復記前朝五季重開闢三災不動搖珠林花
氣合紺殿蘚痕消更上危樓望當門見海濤

昺菴

按姚參軍佳號昺庵棄家爲僧
此二詩雖不可考疑卽是也

硤川詩鈔卷二十

十

過惠力慧幢座主講法華

談經靈樹外鐘鼓發新聲漢語推高座香雲落短檠泉通白
水活山得紫微名旭日芳洲遠飄飄去客情

贈放菴白牛禪師

白雲綠竹護幽栖路盡平陂陷一溪古樹當窗山色近香風
出磬聲低閒從詩裏尋邱壑老坐林間自品題擱筆一聲
春鳥喚夕陽已過數峰西

靈禪字慧幢號月溪主席惠力寺有月溪漫艸

剡溪道中

半篙春水綠兩岸曉山青薄霧籠晴嶂輕風蕩小船人行如
入畫景好勝羅屏訪戴成虛語溪流急未停

舟行千疊水人過萬重山啼鳥春林滑香花野岸斑飯餘茶
味美詩淡俗情刪十八灘頭路令予心目閒

梅影

林下誰傳姑射神一枝瀟灑絕宜人樓中玉笛吹難落驢背
新詩咏未真傍水倒栽渾若畫當階橫掃不驚塵東君欲訪
春消息好待中天月滿輪

過靈隱上東房

行到山深路屈蟠青松萬箇竹千竿巖阿結得禪房靜門外
溪流一道寒

明熙字鴻遠有三復齋詩稿

紫破文獻錄師本姓陸爲冰修先生從弟祝髮
放菴寄情吟咏所著詩皆冰修紫度二公刪定

硤川詩鈔卷二十

十一

登冷泉亭

泉聲晴似雨冷色夏如秋古木沿流碧深山抱寺幽落花添
晚思啼鳥破新愁一坐塵心淨不知車馬稠

雜咏

千山落葉動愁思飄泊頻驚歲序移九月烟霜催客鬢十年
兄弟各天涯愁窺過鳥高飛盡獨倚危欄落日遲莫怪半生
知己少野人踪跡久逶蛇

元旦感懷

歲序頻催思黯然無端風雨入新年故人每隔雲霄外兄弟
長攜何處邊野岸入春梅自放空隄多雨柳初眠山臆逾與
塵囂別一採園蔬自煮泉

寒夜旅思

清燈明滅幾回寒
旅思頻催夜已闌
露冷天街人寂寂
月明千里夢初殘

通門字牧雲號嬾齋主席白水菴有嬾齋遺稿

紫硤文獻錄嬾齋本梅里古南寺僧曾住江南虞山破
山寺一時名士皆從其游晚退隱于硤而復終于古南

會夏日過虞山雲半居卽事

美蔭半日息高雲亦吾依
坐此不能去愛聽松風微
寂境不極有閑心了無
違相彼中林鳥飲啄鳴且飛
有念色斯舉匪矜毛羽輝
冥逝已遠稻梁非所希
勞勞矰繳士徒煩設其機

寄懷毛潛在疊前韻

破川詩鈔卷二十

十一

一別久三載千里情依依
昨來陟危磴自覺筋力微
同聲幸相存清吟不我違
白雲簷下宿黃鳥林閒飛
空山寂無人草木清且輝
洋洋春雪調落落古所希
永懷眉山老遙話箭鋒

機

美過閩子靜室

精舍傍江許雙扉掩綠苔
月明潮水上春半杏花開
憑几山常在穿籬鳥忽來
晝長無所事假寐讀經臺

喜雨

曉嶂霧冥冥空樓夢已醒
庭花雲去白山樹雨來青
隱几尋難字濡毫寫內經
貯來泉自好不用汲中泠

孤鳥烟中沒鐘聲冷翠微
遠峰泉暗落古殿樹重圍
階面榴

花燦枝頭杏子肥端陽時已到龍鬪近魚磯

過湖田精舍

放棹來湖上相看幽興賒鶴汀漁父宅鹿苑野僧家一閣墮
飛鳥諸峰明落霞小陽天氣暖楓葉燦如花

坐空心亭懷舊

空亭重結構好古想伊人潭水不留月山雲自送春拂墻蒼
竹長臥地古碑堙獨鶴鳴清晝松門隔世塵

秋日過湛公房聽琴

金風拂商軫秋興寄鳴絃石壁暗生雨松窗曉落泉鳥飛清
漢外人在古皇前千載稱流水枯桐亦自賢

上團瓢

硤川詩鈔 卷二十

十三

曉日登山去晨風結想遐嶺雲高似鶴草路細于蛇絕頂一
瓢搆危垣四面遮可中天地小陰砌冷秋花

過華藏菴

扉外方池水甚清野花羅列不知名籬邊幾塊爛斑石不語
留人最有情

送西佩上人省親

送子澄江去省親春風楊柳拂溪濱途中一句最親切滿地
落花香撲人

放行文字墨浪號白牛

放菴山居

地僻疑無路溪迴更有山松風雙袖冷花雨一庭閑長嘯空

明外高眠蒼翠閒疎慵人事少門倩白雲關

陸艸堂
晉代風流遠草堂暮嶺橫鼠巢侵畫幔蛛網織雕甍冠世才
何在空山泉自鳴華亭秋夜鶴千古悵離情

西湖雜咏

溪山佳處入雲林石路紆迴竹樹深靜裏泉聲塵思遠孤雲
墊鶴兩無心
漁歌隱隱蒼茫裏水色天光兩不分短棹撥開湖底月曉鐘
敲徹嶺頭雲

洪達字祝遠

秋夜集穀詒堂

袞川詩鈔 卷二十

十四

自憐雅集有清緣饌設伊蒲當綺筵落葉擁階新得句疎窗
待月醉無眠黃花尙滿陶潛徑紫袂須停米芾船
我分題詩思澁樽前兀坐似參禪

謂止峰先生

捐簷梅綻玉玲瓏晴雪香邊列翠峰春入酒瓢剛半月客穿
詩壘破千重賭拳偶讓機鋒熟乞字親研墨瀋濃雅會今宵
忘漏永歸途清影竹杉松

勿虛主碧雲寺講席

晉丹山中草堂暮暮歸隱風集對畫動秋聲

遠岫白雲舒秋風入敞廬道心閒處得世味靜中疏煮茗邀
良友焚香讀古書隔溪明月上竹影到窗虛

題水竹艸堂

十畝篔簹裏臨溪結艸堂
鳥啼三徑寂花逗一簾香
淪茗邀新月題詩送夕陽
蒼烟水際綠雨暗瀟湘

枕上吟

山深絕羽翰千里夢相接
醒眼看月光空階聞落葉

問昭上人字勿園有山居雜吟

泉次周日卓北隱樓韻

覽勝憑山閣烟林湧翠微
綠肥禽悅性紅瘦蜨慵飛
積靄封經案濃陰護石衣
不須言旅泊清賞可忘歸

梵閣摩雲構遐觀會意微
迎風花自笑點水燕于飛
古木陰翻檻新篁影拂衣
如君能借榻吾豈敢云歸

袞川詩鈔

卷二十一

十五

訪友

振策行山步煩吟頓爾空
洗心飛竹雨滌耳響松風
古澗翻波白明霞映壁紅
幽棲何處是想在亂雲中

間齋遣興

象外超然無所爭
林泉寄傲樂平生
天容野鶴棲霞穩
山許閒雲與世輕
鳥韻每賡詩韻細
茶烟頻接篆烟清
支公雅調遠時好
剩有屏花肯笑迎

贈白水菴別蘭耆宿

訪勝西山路轉西
白雲深處老禪栖
千竿修竹陰垂徑
一片丹楓豔隔溪
石檻香中花蝶舞
松蘿影裏畫胡啼
禪關一任幽如許
興盡忘歸落照低

岳宗字戒初淨土菴僧

花朝西巖雨集

榭葉門深剝啄開竹枝初埽石閒苔山中逸事新增社林下
幽襟其探梅茗政定追金谷案曲高空想鳳皇臺隔鄰幾日
風濤惡一座詩成挾怒雷

湛聞字觀澈西山僧

花朝西巖雨集

春來每望花朝日到得花朝雨滿山墻角瀑飛長搏激峰腰
雲入自迴環三車覓路何由住一鉢尋源頗不閑莫怪禽聲
消息斷東風爛漫酒盃閒

音澄字杏菴東山廣福院僧

硤川詩鈔

卷二十一

十六

花朝西巖雨集

西山蘭若正鶯啼山際疏林似虎溪少女漸催花爛漫王孫
初徧雨萋迷新聲按曲論么拍容路驚心厭鼓鞀鄴下名流
才並健玉壺春酒幸招攜

日省安國寺僧主西山惠力寺講席有禪餘草

暮春周如泰杜應之見訪

山堂春晝靜知已爲畱連竹榻晴雲暖簾鈎落照圓茶香新
谷雨柳暗暮炊煙社有新詩句囊無沽酒錢

白齋上人北還詩以送之

萬里烟波道憐師獨去程布帆懸浦色野飯對江聲夢繞雲
山近心閒水月清薰風吹海樹遙想隔神京

閒居卽事

人閒幽事足春老落花深苔滑侵階綠風微散柳陰酒醒思
讀易香燼罷調琴獨坐耽禪悅常觀清淨心

竹林書隱爲金仁齋題

門繞修篁遠俗情焚香展卷有餘清風迴滿院晴花落雨過
沿階春草生隴鶴窺爐茶正熟奚童掃榻月初明閑來著就
潛夫論朝市無人識姓名

山齋四詠

透迤谷口錯交橫屈曲憑誰翦製成採藥杖頭挑得去不愁
風雨澗邊生

藤笠

淇園分得碧琅玕許伴衰年歷歲寒日暮倒持何處去歸雲

峽川詩鈔 卷二十

十七

倚向石邊看

竹杖

餘布西風漫翦裁不緣沈浣淨無埃閒身著向溪邊坐染得
寒雲幾片來

布衲

白社閒身對夕曛雙雙織就淨塵氛尋詩著上前山去踏破

峰頭一片雲

芒屨

孔彰字潛溪

秋夜讌集存古堂

不到東山秋復秋偶尋知己得同游笑言乍接雲霄客風雨
初登花萼樓雜糝調羹香似膾清醪瀉盞滑於油君家兄弟
皆名鳳刻燭分題借一籌

純一字敏修主惠力寺講席有補拙詩存

觀打魚有感

小魚戢戢駢頭嬉大魚蒲藻潛相依魚游木自樂天趣豈知
中已藏殺機老漁船頭赤腳立隻手挺叉撇波又一魚失水
羣魚驚相戒徒聞過河泣吁嗟爾魚曷不徙宅滄江坳奮躍
咫尺乘波濤濤聲夜半撼江樹便借風雷逐龍去

卽事

一抹斜陽裏山行獨倚筇雲隨投樹鳥風引隔溪鐘蕭索寒
林瘦參差遠黛重歸途逢老叟詩興一般濃

題翠雲菴示液川法姪

城南十笏地景物好相於洗俗干竿竹銷閒半榻書果隨梅
雨落蕉向午風舒門對鴛湖曲晨昏聽打魚

硤川詩鈔

卷二十

五

文星橋晚眺

鴛鴦湖水碧層層烟雨樓頭幾度登今日赤欄橋畔立一彎
新月照魚罾

陌上花開花又飛滿林香雪晝霏霏峭寒昨日西風緊又見
春潮沒釣磯

張湄字伊人號瀛仙南山玉真道院道士有山居吟

以下道士

以八客中餞春

吟情減盡客情闌三月韶華駒隙看穀雨過時鶯語澁棟花
風起燕泥乾寒消枕簟拋重褥暖入腰肢憶索紈幾度天涯
春去候賓筵團坐強爲歡

新霽偕友出游

曉來新霽日温暎挈伴尋春歷近村逢好山時還著屐見多
花處便敲門布袍稱體唾裘褐藤杖扶腰勝弟昆漫說丹房
爐火冷道人踪跡本無根

周御字子列東山道士

呈葛且閑先生

先生何所向雲鶴自幽閒人挾仙翁骨身依釋子關生涯成
小隱著作在名山獨有花時候孤吟一往還

緣英僊子

以下凡仙

七律四首

蓬島春光爛不收鸞車隨意駐雲頭情緣悞入多生夢仙路
渾忘避劫謀甲帳繡襦雲暫暖鏡花窗草雨同休憑君再向
成都問還有裴郎玉杵不

硤川詩鈔

卷二十

十九

三生石上憶前緣未到忘情劇可憐花月有魔空旦旦海山
無主自年年餐霞舊日宜頻試浥露新詩莫浪傳後會只須
精進得買花休使賣文錢

頻將茗椀累王濛一晌清談萬恨空天上鳥飛常苦速人間
螳鬥卻嫌聰盃深盃淺皆歡伯情短情長莫惱公感運總來
難逆料漢津雲氣夜朦朧

羅浮山下最長宵冷蕊疎枝慣寂寥劫重有詩留鳥篆神傷
無淚溼龍綃成文但隱千山霧起病須觀八月潮珍重百年
形影在碧城歸路尙迢迢

陽明山人

贈沈明俊

沙嘴蘆根一釣磯
漁烟鷗雨澹忘機
夕陽無限秋山好
把酒科頭看落暉

示祝堃沈明俊

一月二十九日醉百年三萬六千場
未知其趣次公醒時復
偶中徐邈狂亂蟬衰柳送殘暑
絡緯寒蟿作晚涼
歸臥空山忘世事
獨看明月轉長廊

答祝堃登前韻

超然誰到白雲鄉
擾擾同歸幻夢場
中散有琴堪作達
劉伶無鋪定非狂
濁醅拄杖隨緣老
白石清泉冰齒涼
卻笑姑蘇麋鹿後
空餘響屐記迴廊

硤川詩鈔 卷二十

二十

散花使者

絕句

幾番風雨幾番寒
恰得梅花帶雪看
香滿溪橋春正好
無分枝北與枝南

月府侍書瑤華內史

絕句

香霧清輝滿鬢鬟
天風吹墮碧雲間
舊時弄笛人何處
空向秋風望故山

陳黃塘先生

卽景

半牕涼月風生座
二徑寒花香襲衣
醉臥高峰抱落日
橫天

一字雁初飛

呂純陽

幻景

須知點綴萬緣空
幻景由來出化工
秋水芭蕉兩岸綠
晴霞楓葉一江紅

硤川詩鈔 卷二十

三

硤川詩鈔卷二十

硤川詞鈔目錄

聞人嘉言

周珽

田徹

張嘉炳

吳維修

曹元方

鄭雪昉

錢光繡

陸嘉淑

潘廷璋

陸宏定

胡山

翁嵩

張韜

虞文彪

張曾祺

吳嗣廣

陳涵

王朝俊

硤川詞鈔目錄

目錄

吳開道

刺辭

王醇翁

孫樹

張祥

吳文漢

孫曾

劉震

謝武

胡公

胡山

吳華

曹元

張雪

錢光

聞人嘉言

周珽

田徹

張嘉炳

峽川詞鈔

里人曹宗載桐石手輯

聞人嘉言

金盞倒垂蓮

惠力寺坐月有思

禪榻黃昏正蒲牢罷吼竹露將溽藻荇交橫銀魄上雕欄想
那日蝦鬚簾下箇人星眼偷看此景恰似今宵暑退微寒
誰知轉頭昨夢恍春潮易落幾見停瀾粥鼓龕燈瓶鉢伴僧
閑閒剩有風情多少料應霜鬢難瞞懊惱一晌碧天長夜漫

周珽

明月逐人來

東山廣福院坐月

峽川詞鈔

庭空人靜鐘殘宵永擡頭看銀河耿耿月華如水眞箇琉璃
境閃動棲鳥難定 誰遣清光照出蕭騷髣髴影爭禁得晚來
風猛素娥獨守應怕瓊樓冷試問團圞因甚

田徽

一翦梅

放菴秋夜

金井梧桐幾度飄冷了僧寮瘦了吟腰春宵容易又秋宵漏
也迢迢夢也遙遙 楊柳門前雁齒橋數徧蘭橈望徧星輶
天涯黃菊把人嘲說甚持螯誇甚題糕

張嘉炳

踏莎行

春閨次卓珂月韻

綠鎖珠闌紅翻碧沚韶光驀地清明矣愁多好夢已難尋那

堪又被鶯呼起 妝懶臨鸞期愆乘鯉當初盟誓都虛耳有
情燕子解憐香也銜落瓣歸窩裏

滿江紅

感懷用辛稼軒韻

懷古情深任世俗無人能識課事業澆花栽竹小牕之北乞
酒敲鄰常漉憤攤書閉戶還懸屐倦來時一枕到羲皇吾爲
客 笑世法元黃圻歎兵法螳螂敵似提攜傀儡徒存形跡
只愛印垂腰後紫誰憐骨滿郊原白對山河風景尙依然悲
今昔

吳維修

釵頭鳳 有贈

長相守難消受從來花隊余稱叟憐伊弱迎還卻旣爲心友

硤川詞鈔

三

好憑人謔落落落 閒評究休輕咒眉兒曾否愁春縷重簾
幕猶嫌薄朝眠多夢曉妝慵掠閣閣閣

曹元方

醉春風 春晚

點染桃花面芍藥方零亂晝長歌鳥共誰調怨怨皺白初
勻薦紅漸瘦自題團扇 侍婢驚時變杜宇啼深院聞郎鸞
信約歸期騙騙刺繡無心添衣緩步強尋女伴

漁家傲 驚春

報道和風春到早春來莫笑人增老老眼看花猶恨少何處
好前村明媚多啼鳥 滿地落紅休便埽連天望眼迷新草
羅袖接花雙袖小香嫋嫋不放春光歸去了

蝶戀花

春曉

啼罷流鶯花滿棟
乍捲疏簾柳外煙光重
玉笛誰家纔一弄
驚醒幽閣朦朧夢
鴉髣雲鬢慵未動
小立屏前又聽輕雷
送日影漸移妝鏡
擁淚痕半溼釵頭鳳

漁家傲

山居

廿年歌嘯空村曲
屏除丹漆營茅屋
屋上啞啞鳴布穀
村醪熟鄰翁共醉書邊宿
桐陰滿地鶯聲簇
短墻一帶新
生竹流水漁舟圖一幅
詩囊足不知門外春山綠

減字木蘭花

茅亭

茅亭何客宜閒宜澹宜眞
率漁牧新知寄語攜樽來莫遲
芙蓉薜荔煙生落日柴門閉
醉後懷開不到醒時愁不來

映川詞鈔

杏花天

夢醒

夢中時露英雄槩
逢人間帶些慷慨
豈如兒女醒時態
曖曖妹妹時派
春風好鬢絲難改
酒盃闌人間翻隘
芳醪醒後依然在一世
推愁門外

鄭雪昉

柳梢青

新柳

東風掠掠柔姿嫋
娜雨斜煙薄淺淺溪沙深
深岸草萬條愁索
斜陽回首將落一陣陣
雛鴉乳鵲思婦樓頭
征人笛裏幾聲怨著

錢光繡

卜算子

閨咏

暝色入高樓，漸覺輕寒凜。指撥爐灰香，自焚燈下三杯飲。
郎讀架前書，妾繡牀頭枕。繡得鴛鴦一對成，方許郎同寢。

踏莎行 贈張石渠

結髮方殷，畫眉初試。少年行樂如彈指。風流忽逐曉雲空，山川到處爲家矣。
錢篋無青劍，鎡猶紫生來俠骨長。如此勸君痛飲，復懽歌，偶然落魄何愁耳。

陸嘉淑

踏莎行 送湘雷

便駕單車仍攜一鶴，紅螺塞外煙霞薄。神州東盡是遼陽，蓋州又在遼東角。
政拙催科門無剝，啄算來此地君差樂。江都舊日滿城花，又應開徧梁房郭。

硤川詞鈔

五

青玉案

與吳維申

空齋纔雨消殘暑，無可覓爲歡處。忽見故人招其語，冰桃丹柰，江魚吳筍，渾欲忘羈旅。
卻看片葉凋庭樹，始信我忘時序。頓覺秋光深幾許，半竿斜日，一枰殘局，且作浮生譜。

虞美人

爲其言題扇

朦朧參昴窺疏綺，再攬輕裘起。燈殘夜永漏沈沈，隔斷一窗明月短墻陰。
霜華遍地秋光溼，不道人岑寂，可容殘夢到窗前。無奈鐘聲又攬五更眠。

漢宮春

客中九日

極目平原見疏林，蕭颯遠水瀾漫。舉頭一聲哀雁，別淚空彈。秋容慘淡，但心傷行路艱難。何況是重陽時節，天涯風景淒

然長恨征途憔悴歎傲裘風雨疲馬關山爲問故園黃菊
知有誰看風吹破帽漫憑高一醉樽前渾未解遠游何意白
雲迴首江天

多麗 湖上贈竹逸

愛明湖曉來千頃秋清更堪憐雲鬢霧髻吳山直接南屏暗
遙天三層西竺明殘照一片孤城紅糝江楓青留岸草百年
風景見昇平試回首名園別墅處處燦雕楹笙歌裏尋芳拾
翠一葉舟橫待重來山川如昨一尊寂寞頻傾戍煙空橫
飄斷角山鐘暗怒吼霜鯨紫燕空歸塞鴻不斷西風緊處聽
殘鶯還應賴登臨讎集相向寫幽情高吟罷客歸人醉纖月
初生

硤川詞鈔

六

潘廷璋

清平樂 病起

藥爐煙透猶帶愁如酒二分風雨三分瘦又是熟梅時候
春光去也難賒卻招鶯燕啁噓道欠東風花債明年加倍還
他

桃源憶故人 春曉

誰將幽夢聲聲喚幾處嬌鶯撩亂睡起慵安金鈿行過鞦韆
院等閑不把韶光算誰道百花開徧春到海棠將半省識
東風面

青玉案 思家

愁心江上東風曉正垂柳新絲裊夢斷故園池畔草啼鶯有

恨落花無語應恁人多少 雕輪踏破青陽道怕客路春歸
早問我排情何處好一村花雨半塘煙水又是愁來了

踏莎行 道中

柳暗旗亭花明官路粘天芳草東風暮馬蹄無處避殘紅韶
華踏碎應無數 鶯老猶嬌燕倦無措枉將春事年年誤感
他杜宇最慙慙不如歸去連聲訴

南柯子 歸山

打破夢中夢撐開山外山羸顛劉蹶幾何年一齊收拾交付
大羅天 問我真休歇從人小乞緣齊州九點破蒼煙揀定
一窗風定日高眠

滿江紅 感懷用岳忠武韻

破川詞鈔

七

匣劍長鳴倚牀處悲風不歇看二十四城男子誰爲氣烈干
里西馳劍閣道十年東望遼陽月嘆書生盡作等閒看吾憂
切 青海恨憑誰雪潢池弄何年滅更敲殘如意唾壺邊缺
喜聽山雞能舞夢愁聞杜宇頻啼血待從今草疏請長纓酬
金闕

陸宏定

如夢令 初秋

蕭瑟玉京人去惆悵鵲橋誰渡簾外月朦朧卷盡一天殘雨
無語無語立傍畫欄深處

羅敷媚 梅里歸舟

晚煙一帶雲零亂柔櫓輕舟急漲迴流落日青山遠黛收

如鈞新月盈盈上何處憑樓短笛悲秋惹著羈人一片愁

減字木蘭花

武塘留橫秋寓

光陰如電秋霜轉眼年華換老去相知風雨他鄉話舊時
閒愁似醉彈來都是傷心淚何處消伊長對疏燈徹夜碁

前調

送行

朱顏未暮春山芳草王孫路不暫相分今日刀環忍問君
欲行教住尊前都是關心處此去天涯莫便忘家莫憶家

浪淘沙

之薦福

十里蓼花灘纜泊溪灣舊時亭榭盡頽垣三十年前曾到地
不禁淒然修竹自珊珊掩映林端夜來風雨正潏潏孤雁
一聲雲散後略近欄杆

破川詞鈔

八

尋芳草

偶作

欲說總無緒誰解識箇中心事道愁多惹著愁深處越珍重
年來意消得這回愁又早被愁來牽去笑花枝驀地搖寒
砌剛覆住雕欄際

賀新郎

病中偶成

綠蔭陰初好獨何人愁懷病態約齊都到壽天窮通同日盡
問此夢誰能覺且莫惜沈腰潘貌一片肝腸眞誤卻把廿年
行止俱顛倒今以後休重蹈世情炎冷君無較但看他如
螻如蟻虬行蠱跳白眼天涯無著處往事追思堪悼又付與
短歌長嘯九坂羊腸幾踏遍莽回頭流水高山調生有命應

難料

滿江紅 西湖和吳慶百韻

依舊鶯花聽簫鼓喧闐何處正美景遷延無數良宵三五衰
柳葉凋縈宿霧殘荷香褪催今雨是羈人憔悴懶尋游非無
侶 湖畔路長留汝容易到難爲主看隄外芳驄山頭神女
玉宇斜陽流彩練金樽子夜浮紅乳悵秋風回首少年時曾
分取

鳳凰臺上憶吹簫 鳳凰山懷古

地枕寒江山迴湖面鳳凰一派秋煙憶偏安宮闕也自衣冠
何處銅駝荆棘披苜蓿劫燬燒殘荒苔畔數聲鳴鳩幾隊啼
猿 淒然山川變矣望陰陰松杏山後山前更誰家城郭畫
檻雕欄回首西泠孤塚流不盡血淚潺湲君休訝無邊風雨

硤川詞鈔

九

猶似當年

胡山

長相思 咏影

徐相隨疾相隨月下燈前不暫離天涯患難時 吾其歸爾
其歸一樣行藏只自知回頭仔細思

憶秦娥 春閨怨

檐前鵲朝朝暮暮將儂謔將儂謔報郎歸也信何曾著 辛
夷開罷楊花落清明過了期空約期空約東風芳草一般情
薄

前詞 次太白韻

溪流咽簫聲吹起樓頭月樓頭月光浮玉盃自難分別 肯

教辜負佳時節層城十二紅塵絕紅塵絕梅花開也白雲宮闕

攤破浣溪紗 南郊訪友

南陌田田半菜花隔溪人渡板橋斜曾憶東邊三四里故人
家綠樹亂禽啼上下柴扉雙扇隱桑麻稚子提壺歸正好
不愁餘

虞美人 遣意

半間落拓松毛屋徑繞蕭疏竹離披對擁一牀書客至儘教
安坐待烹魚瓦瓶恰喜餘春酒不用謀諸婦何妨邀箇老
東鄰月上疏寮共作醉中人

蝶戀花 旅夜懷人次宋荔裳按察元韻

峽川詞鈔

十

海月飛來高百尺似水鋪庭不比尋常白極目伊人魂夢隔
誰家夜半吹長笛紙帳方牀孤館客欹枕難眠索醉無從
得冷淡梅花風瑟瑟不如門掩昏黃黑

浪淘沙 贈內

曉起髮颼颼四壁生秋無情儒帽早相丟檢點生涯書一卷
婦蹙眉頭全不怪伊愁對泣無牛虧他荆棘苦鋤耨老我
一生歌且讀算做風流

滿江紅 寫懷

草草三間重整頓舊時書屋我老矣爐香茗椀平生願足花
落花開朝與暮從他門外車如簇向南窗一覺夢初回黃梁
熟五株柳千竿竹課晴雨忘榮辱看高飛冥冥雲中鴻鵠

酒債詩逋隨處有，鷓裘典盡憑誰贖。對九歌天問夜深時，燒燈讀。

鳳凰臺上憶吹簫

寫懷次陳水鏡韻

何事多愁偏生多病，一般不耐春寒。儘雨絲風片溼壓闌干。清課爐香茗椀，雕檐外竹報平安。窺妝鏡，掀髯一笑鬢蚤羞。潘無端，思量舊夢，有月下彈箏燈下扶冠。唱曉風殘月笛。鳳笙鸞香撲，祿前春酒，豁雙眼醉看青山。當年話再休提起。口素腰蠻。

沁園春

山樓晚望

我馬虺隤，鄉園何處試一登臺。憶當年年少揮戈擊劍門，雞走狗射斗，拋雷老去回頭總如春夢。熱心腸早已成灰，夕陽

峽川詞鈔

十一

外人煙數點，滿眼蒿萊。何如且酌金罍，論往事浮雲安在哉。問漢家陵寢，吳宮花草，秦時宮殿，幾個泥堆。雨帽風襟，婆娑短髮，荷耒惟堪沮溺偕。聽樵牧，彼歌此和，兩兩忘懷。

翁髯

燭影搖紅

石魚涇觀漁

怪底春寒，膩雲釀出連宵雨。一溪新水幾多寬，繞遍青山路。著箇中流釣侶，侶映蓑衣添來翠縷。綠楊低蘸，白鷺斜窺，晴曦剛午。試望雲莊，碧波鏡樣環門戶。紅蝦青鯽不論錢，儘足供樽俎。遙想風流太傅，到今朝滄桑幾度。這般波闊如許，風清被誰留住。

張翰

浣紗溪

三盃軟飽破愁城尖側輕寒冷畫屏銀缸搖曳落紅深
外風來窺繡幙斷腸衰草怨黃昏天涯何處不關情
簾

眼兒媚

暖風到處綠垂楊枝頭梅子黃碧紗窗下爐煙細裊檢盡青
細記得春來梁上燕來往日雙雙今朝看取新巢舊壘乳
燕成行

滿江紅

月色溶溶斷腸幾處屏山曲猛可思故園春老砌紅堆綠團
扇撲殘螢火影羅衣暗褪湘裙幅倚危欄獨立悄無言眉峰
蹙柳絲暗桐陰鬱啼鶉冷吟蛙促怕關河中斷夢魂難束

硤川詞鈔

十一

客裏不知家是寄天涯誰傍人如玉到今來嬾自向姮娥低
聲祝

探春慢

人遠天涯一番春色又添一番愁悶搓玉摧香瘦紅肥綠憔悴
也無人問只翻階烏雀花陰外伴人晝靜小窗幽夢初迴
曉色平開如鏡長恨青鸞信杳奈少年辜負惜花情性翡翠
叢中鞦韆影裏幾點斷霞飛迅恐鶯聲易老西風緊漸欺
綠鬢蝴蝶成團淚灑長隄春盡

虞文彪

小重山

登九十九峰閣晚眺

遠岫重重連夕陽無邊芳草外暮雲長山樓春好也淒涼春

又去何處更尋芳 垂柳兩三行
晚鶯銜不住絮顛狂東君
與我共郎當顛顛也何必到昏黃

張曾禪

如夢令 送春

冉冉夕陽西下憶得明朝新夏無計可留春說甚千金無價
丟罷丟罷世事誰真誰假

春夢於今已斷若箇夢中厮喚風景盡模糊落得情懷撩亂
休算休算知道東皇不管

南柯子 題念劬小影

片石堪容坐閒庭寂不譁科頭暫學野人家如許風流誰待
換烏紗 金篆煙初散瑤箋句尙餘便教畫盡更何加料得

破川詞鈔

筆花香豔似瓶花

滿江紅 曉發青駝寺

野色蒼茫正星斗一天高架聽村墟頻催戍鼓剛交半夜衝
雪不知襟袖染噓冰早向鬢髯掛最關情殘夢費思量還丟
下 魚龍跡何時化風塵債何年罷笑偎紅倚翠徵歌傳傘
世事回頭多有感春風得意元非乍待功成歸隱五湖濱漁
樵話

吳嗣廣

如夢令 月溪堂見月

禪室淒清無比人在長明燈裏風動竹簾開瞥見月華如水
驚起驚起不放夢魂千里

陳涵

望江南 上已酬何記室藥菴

東風軟堤草碧
氤氳燕子飛來春已半
杏花開過月初三
淑景滿江南

詩思蕩逸興付雲藍
麴院晴開帘影亂
歌樓夜迴笛聲酣
風月幾人擔

柳梢青 咏柳

淺黛宜顰纖腰宜舞
弱態宜眠一翦輕風一鈎斜月一抹殘
煙春光最可人
憐待挽取長條
箇邊越女溪頭
巫娥廟裏蘇小門前

燕翦鶯梭千絲萬縷
織就春妍直恁多情不將一縷繫住香

硤川詞鈔

十四

軒六橋光景依然和幾寸
柔腸掛牽小艇橫波滿湖風雨
寒食年年

浣紗溪 秋蕖

憔悴秋風怨六郎
一泓寒鏡照殘妝
泪珠頻點翠羅裳
不作藕兒休敗節
可堪蓮子莫充房
苦心難翦恨絲長

曲入冥 西樓愁雨

風緊暮寒迺葉滿階
頭癡雲屯雨閣西樓
昨夜西樓聽已鼓
莫莫休休
二豎儘相仇
更遣悲秋饒伊攤
派十分愁一分
詩篇三分酒六分袞
稠

虞美人 春閨別夢

一鞭風雨江南路
妾夢隨郎去
離筵不記短長亭
剛是禁煙

時節柳梢青 嗔伊薄倖從伊鬧鸚鵡驚人覺分明小院鎖
春寒誰說桃根桃葉擁歸鞍

萬里青 綠窗幽興

逢場作戲向檀郎嬌倚卸妝臺放副圍棋鬥頭兒坐地落
子休教毀臉紅也半含嗔意道輸贏直得幾何便者般小器

上西樓 寓唱

多才多慧天成更多情消得多愁多病可憐生一箇帳靜鴛
被冷夢魂驚一曲瑤琴離恨斷腸聲

一羅金 春陰

雨陣纔收風陣了斷斷聯聯沒箇多和少妬奪春光春卻老
春愁只替離人討起便能遲眠便早冷冷清清度得昏還

硤川詞鈔

五

曉臂握休憐加倍小小庭憐取殘花草

極相思 魚箋

魚箋莫寫相思心事帶圍知殘春風雨掩關欹枕斷酒拋詩
累得妝樓凝泪眼盼歸期嗔責無辭歸期準在榴花紅處

梅子黃時

小闌干 倚闌

數行雁字動離愁雙袖泪痕滋半醉心情小春天氣斜日倚
闌時休文帶減渾閒事生怕謝娘知顰綠窗邊啼紅帳裏

誰與護寒颺

蝶戀花 不見

不見誰知還一見見了仍休爭似休教見休見尋思猶幸見

今生已分無由見 再見除非尋夢見
夢見空權和夢都難見
見見亦何難難驟見見時耐守來生見

琴調相思引 宵候

向夕南山殿 嫩雷小庭微雨落
紅梅玉郎何處狂飲不思回
殘燭三更多是淚斷香一寸已成灰
薄情天賦深夜只貪

孟

王朝俊

漁歌子 夏日漫興

繞屋陰濃綠柳垂 滿林蟬噪夕陽遲
風淡蕩水漣漪 閒看紅蓮映小池

減字木蘭花 送春

硤川詞鈔

六

綠稠紅少豔陽花事今將了
風雨蕭蕭只合閉窗醉濁醪
蒼顏半老壯志蹉跎空自抱
何處銷魂柳暗鶯嬌又送春

10383

